

于湖題襟集  
一











于湖題襟集

一

袁昶編錄



中華書局

于湖題襟集

此據漸西村舍叢  
刊本排印初編各  
叢書僅有此本

# 敘

國初王新城爲司李維揚。吏牒清簡。頗招徠山澤遺民。若林古度、邵潛夫、杜于皇、費此度之流。創立詩社。好事者謂其畫了公事。夜接詞人。以爲美談。夫終歲綿綿硃硃。以三百六句勤課吏事。而遇一二春秋佳日。偶爲游息。高明攀躋林壑。以適其怡曠之遠性。孤往之夙抱。文武之道。一弛一張。蓋達者所無譏焉。而豈浮文妨實。虛談廢務之爲乎。吾師重黎先生。剖竹于湖。六條察吏。地故鄆郡。山越聚聚。民教雜糅。嚴猛則怨譟繁興。清靜則吏民玩法。先生以經術飾吏治。不言而民信。案牘之暇。偶以視朝月夕。與二三賓舊登臨宴集。上下論議古今。滔滔清駛。若河決上源而導之東注。曲折往復。必窮其濫觴而竟其尾閭。其所賓禮。皆一時之才雋。緣興而作。既唱且和。詩多清新雅飭。斐然可讀。文句之閒。有性韻高勝。迴絕塵表處。其下者亦足以瑯鏤萬物。秕糠衆家。因付寫官。輯而錄之。以志一時雅集。所鈔雜文。亦積二卷。頗多搜雅故之芳潤。切古近之事變。殆古之良吏所不廢也。軫出門西笑。道由江介。謁先生於官舍。得讀是編。性耽樸學。不習爲詩。顧以王內史寫臨河帖。聞人比于潘安仁金谷集。敍亦殊欣然。愜其標寄。此集方之王司李之治春詩社。賓賢之盛。投贈之雅。無多讓焉。亦一時勝事也。至於先生之存期窈妙。殷憂時局。孤懷惻然。志周事外。則又非軫之所能測識者矣。豈徒以吏餘社集。供好事者美談云乎哉。光緒甲午三月。門下士嘉應饒軫。



# 于湖題襟集

## 詩一

至于湖訪漸西夜闌話舊

仁和譚廷獻仲修

依依江上雲。風水此邈迤。會合若無心。千里不踰咫。分手十七年。離緒無終始。烹魚尺素書。累幅雜悲喜。相見乍忘言。坐久論方駛。譬彼絲在縑。譬彼玉受理。沈思不可說。方寸徒填委。高齋與斗室。哀樂同此指。老矣炳燭游。虛空不忘視。

同游赭山塔院

九辨淩秋得氣多。招攜乘興訪煙蘿。山林垂老違昏嫁。車笠當年寄嘯歌。滋涵江光疏樹接。回旋塔影夕陽過。放顛衲子無生話。桑下難留奈客何。

和知稼樓見懷之作

南海張蔭桓樵壘

塵世難逢去後思。高樓無恙峙湖湄。前塵慚觸統如鼓。芳訊遙傳杜若詩。望裏九華仙子宅。情遠三宿梵王祠。樓在永福庵西懸知秋稼如雲日。醉倒山公白接蘿。

登南樓有懷張侍郎

桐廬袁昶重黎

傑閣朱欄控上游。參差碧瓦與雲浮。文游跌宕成今憶。佳會登臨託勝流。一片潮生鍾西宅。四圍山入庾。

公樓勸耕父老思賢將荷鍤分秧翠滿疇。

與重黎書

恩施樊增祥雲門

臘日得手復及詩。知夏五詩筒未登籤室。三復書辭。悅接言議。清詩繪斐。如昨生果。聽仙樂也。獻歲發春。惟政通人和。福履休咎。深爲慶慰。公天姿近道。早參予解。故郭列郡。習習華風。士女登仙。江山獻狀。何其逸也。增祥姿性疏脫。遠道日遠。三十以前。頗思經緯世務。點廟朝列。一墮風塵。頓纏煩苦。中更憂患。夙志漸墜。再入秦關。復塵劇邑。祿入較豐。甯忘報稱。是以戴星喘月。事必先勞。涉歷日久。艱阻備嘗。世途情偽。劣能諳悉。秤情決事。頗信於民。然養氣未能。動卽怒張。天抵日必聽訟。無情之詞。桀黠之衆。撻冒兼施。比於火烈。及退食。嗒然不勝其懣。驚牛負輓。甯可久居。涉世卅年。謗譽參半。不知者礪刃見讎。知之者推心見待。雖復粗官。久困文字之性。故存府主定。與公將軍榮公。頗以國士之知。躋之賓坐。箋奏屬唇。頻見委屬。漆以用而割。麝以香自殘。並坐浮名。自貽身累。以祥視之。復何所異。旣爲官身。頗妨作達。伎樂溪山。殆非我有。偶得暇晷。亦頗岑寂。惟佳茗一杯。新詩四韻。是其樂處。或謂有妨政事。此殆不然。古人琴瑟。斯須不去。歐蘇篇翰最多。史稱其深於吏事。吾屬苦趣。獨在於斯。不當使鶴去雲。強魚離水也。別後。孱軀幸健。往年借資丸藥。今都不用。家人等亦安好。前年閏月。舉一男。命之曰度。健如黃犢。新婦又有身。祥到渭南。恆自方白陸。此一事差勝香山。卻未能如渭南老子多男。遠膝耳一笑。見寄二律。並已答和。別紙所示。又和其七。謹以寫上。去冬哀集所爲詩詞。可廿餘卷。比已寫刻。近年篇什往復。獨公與悉伯師爲多耳。去年

寄詩未達。諭令重錄。此間寫官還家度歲。頃猶未至。或俟殺青既竟。一齊寄閱。高齋清暇。觸物念離。時惠德音。豈勝翹企。

和九月初重至皖僦一破屋而居

澄江如練帶通園。坐對煙中碧玉鬢。老圃寒花香較晚。秋風茅屋夢初還。門前蛺蝶集千官。刺天際龍眠一角山。剛把遽廬比仁義。尋常一宿亦開顏。

和篠西晴望

霜林殘照偏人殷。破屋茶鐺整得閒。斂版西來緣底事。天教閒看皖公山。

和戲贈同年台州王子裳太守

天台有玉女。顏色如朝霞。王子控鶴來。吹笙載還家。爲點眉心黛。親安髻上花。調羹出翠釜。讀曲善紅牙。夫人工填詞。一僦皖公屋。漫撈春渚蝦。郎乘五花驥。妾駐七香車。宵御合歡被。晨趨長官衙。俠侍二青衣。脩眉傍髻鴉。夜屏金孔雀。春衫玉辟邪。時時雙鳳釵。倒挂烏巾斜。憶否同袍客。遠趨青門瓜。孟光自椎布。銀鹿解咿啞。不聘茂陵妾。何借守宮砂。臨汝亦修道。端居鳩水涯。謂漸西。隨身欠二草。結夢在三葭。始悟王子喬。得非神仙耶。

和五代楊景度詩帖

蒲團間裏坐。茶夢定中圓。花雨來天女。松雲養地仙。

其二

平生鍊金液，自翊玉胎圓。誰料安期子，裁爲九等仙。沈約齊云：此太史自寓。由承明謫外之意。

和李西臺觀東明寺後楊少師書壁詩

世人祇賞韭花帖，佛屋苔荒松麝寒。題名莫認楊風子，且當冬心畫竹看。金壽門自題畫竹云：莫將蒲草輕相比。此是楊風子草書。

和陪仲修先生憩廣濟寺登赭山卽送其游鄂中三十韻

老輩譚長舊，清襟景舊翁。逢迎秋水外，詆宕酒杯中。繡豸巡江甸，猶龍抱太空。梵音聽蠟屐，吹律應黃宮。

窗竹鳴佳雨，旛鈴動遠風。俸錢供作達，平世利和戎。蘇軾前年有教案近極安謐。佛殿依紅樹，仙岑倚碧穹。仰攀捫狄

徑，俯眎得臯澌。居士官仍達，高僧隱豈充。幢如齊石峪，寺有古經幢二。仙擬漢金銅。窮劣虛窗見，深幽曲徑通。芥

茶烹雪水，煙磬出蘭叢。苦壁詩初就，雲房別太恩。旌旗迴赭岸，姓字刻蒼隆。離思盈鷗水，高情絆鶴籠。鳩

茲帆影動，鸚鵡賦才工。節度今嚴武，謂南皮師。交期昔孔融。楚鄉魚正美，姑熟鱖初紅。去作菱湖長，仲修所主經心書院

在菱湖寺側。甯忘春穀封。情親黃菊淡，眼力素書窮。箋尾題霜橘，琴邊送晚鴻。好春傾麴米，寒色下梧桐。句比

江跳俊，心猶冶劍雄。緒山上相傳干將鑄劍於此。院中得韋虎，關內憶終童。吏事深扶獎，詩林費折衷。來書云：唐有趙南今並世復得樊渭南將名稱嬪趙暇談箸接安豐雅羨丹邱子。來詩有欲尋相邀黃石公專場張翥距

母詩人例以渭南得名乎。

十五議園攻欲往江南老，何時林下逢。祇應蘇米聚，西向說文同。

原作

袁 昶



名盡出郭見。步履兩衰翁。秋色橫相近。村醪試一中。縈紆度林表。呼吸薄霄空。丹橘垂庭實。青蓮霽梵宮。  
寒山從怪咄。槃特豈宗風。謝內有風。寬納。疲瘵如靈運。談諧到阿戎。連日子微病。澤世。兄及兒子。微病澤世。層軒聚遠景。列岫  
迴高穹。絡圍成奔轅。迴環飲壑深。柱維形勝壯。龕拯道情充。雲壁黃山峽。天摩碧海銅。壽園赭岸圻。徑轉  
赤華通。人語魚蝦市。風光紫翠叢。巴驤飛轡往。酒姥玩鞭恩。虎踞前朝戍。豬灣大家廬。縣東北周村有書  
丹宋幢在。滴翠古軒籠。耕出戈鋌鏞。瑤餘筆仗工。寺外有兩石經幢。一大中十二年。一乾符六年。滴翠軒  
州日晉炳息于此耶。江流界吳楚。積氣動昭融。叢荻搖疏紺。攢楓出小紅。行廚深竹裏。王大有送嵌碣綠苔封。危塔  
影斜矗。環洲浸不窮。蕭閒冠野簪。心迹送孤鴻。白雪樓思郢。客星臺憶桐。劍心離合乍。詩境鑿開雄。淨業  
栖初祖。辛言問小童。濁醒無此客。流別寫深衷。畏壘憂民藹。庚桑願歲豐。慙非鶴冠子。去逐鹿皮公。旗鼓  
甯堪敵。孤虛笑待攻。楚游荀況老。嵩少尹洙逢。還似龍門雪。山行發興同。

奉答見寄二首

樊增祥

山公非隱仍非吏。自寫新詩闢嘯軒。句裏青山攜謝朓。握中元璧憶劉琨。清詞菊水流何遠。君表章。縣  
翰荒徑松風夢故存。密邇全椒尋羽客。一樽還爲酌桑根。  
不須重唱湖陰曲。人物千年祇謫仙。白紵溪邊花裊裊。可兒墳上草芊芊。蛟門待殺千鈞弩。馬上傳觀七  
寶鞭。勝日軒窗開滴翠。山靈排闥待庭堅。

八月十六夜湖隄望月次韻

華亭沈祥龍約齋

玉宇秋正中。空江霧方斂。今宵月尚佳。迥露芳掩冉。嘯侶來湖濱。攜行共刻刻。陂紆萬柳直。岸迴一鏡閃。茅簷三五家。夜分扉半掩。暗蛩莎下鳴。清露襟上點。意行忘遠近。略約接谿崦。遠性喧仍寂。詩心細還檢。忽起青蘋風。雲如蔚藍染。何藉南樓游。閒情自不減。

和友人夜出至湖隄小橋上望月

袁 昶

水南鬱森沈。灌木秋氣斂。微茫辨遠岫。薄煙霏冉冉。褰攜清夜遊。佳興同泛剡。潭聲荷蓋殘。村火松明閃。裴褻略約上。璧月吐復掩。擗雲合鱗皴。龍燈射星點。奔泉注江閣。湔湔穿盧崦。卽目娛清景。意行脫拘檢。惠能雕萬物。莊亦離諸染。何似濠梁語。會心應不減。

和

上元劉傳厚積堂

明月如靜士。乘秋氣深斂。微雲散復合。翕絕紛冉冉。偶逢勝侶邀。筆有騷壇剡。荷蓋淨於楷。龍燈遠還閃。應知放參枵。敷坐扉半掩。黯淡塏雙尖。依稀山幾點。老子遊物外。宿留皖公崦。清景詩追連。逸情形脫檢。治春欲作社。弱豪試濡染。何必王司李。相看鬢絲減。

和

江夏陳崇禮吟鉢

林氣生夕清。山光遠逾斂。方塘菱芡熟。水香紛掩冉。涼月穿雲行。時露光剡剡。褰裾信所之。木杪一星閃。岸鼓樹斜出。徑仄蓬交掩。煙外來清鐘。聞聲得指點。感時秋已半。蕭寥集溪崦。心挈元化游。身便名教檢。羈孤仗依倚。學甚丹青染。後夜更追攀。婆娑興未減。

題安般續集

橘刺藤梢刪欲盡。洗除綺語向曹谿。狂泉穿井自殊飲。天馬行空不可羈。作手西江攬魯直。往曾惠敏贈  
公詩云私淑

滄翁吾亦頗輸  
君妙手得天成

淨名東寺契凝之。閉關索句家風在。未覺鯁生學步遲。

答沈約齋

袁 昶

塵勞息前營。退儒就新斂。曩游興化門。侍坐由與冉。並釣珊瑚修。耦耕黛耜剡。草閣一燈寒。光入疏籬閃。秋潮郭索至。倦枕窗半掩。別來廿五年。知時獨慙點。我坐荒故園。君仍隱深崦。翩然肯相過。坐榻忘形檢。高士比素絲。素絲不受染。起予歲寒意。礫硯節未減。

答劉積堂

久雨岸沙積。窮秋野困斂。我來分秧初。流火驚荏冉。吏能非素習。鉛刀媿銳剡。仗有劉穆之。燭照罔象閃。昆刀出匣寒。光氣不可掩。判牒佐平反。文移不加點。時出小詞新。秀奪赭山崦。逸子但坐嘯。庶免觸崖檢。性不習倚聲。從茲擬熏染。常倚勝情豪。勿令高興減。

答陳吟鉢

世喧付淡忘。道勝期深斂。歲月如奔輪。常恐老冉冉。楚貢丹橘林。蔚然曾枝剡。浮江昨同行。水伯朱旗閃。金庭行自獻。文采爛難掩。憶與老湛翁。風颭日注點。故人鄭衡陽  
君之外舅今遶林下甥。相識皖公崦。時出青瑤篇。會頌金泥檢。要懷濟物性。勿使垢氛染。君看後夜月。未覺清光減。

所居霑溼江漲欲入戶衣魚盡生窟穴書冊中兀坐深齋殊尠佳趣

陽侯齧隄根蕩瀟勢未斂頗類柳永州所居溪氏冉叢蕉縱橫生廬不施薙剡莎砌寒花明檣燈一星閃閃面勢蒲魚市佳觀城堞掩竹書蟬粉黏素壁蝸涎點幾時出深甑搆屋瞰懸崦卑溼且苟安淩雜從拘檢檢脫離京洛塵翻訝素衣染朝來津吏報石稜水痕減校讀去聲

和道勝期深斂

陳崇禮

守瘖神理超課寂真觀斂虛緣自貞吉不待龜灼冉時人方火馳吏術務刻剡誰一起脂韋相尋習榆閃閃公平孤月明不被浮雲掩清課詎妨功羣書自加點刈蕉關東齋看竹造西崦古帖拆繡池落衣生玉檢檢辛經正賴箋白業知不染道勝墮者肥嗤予帶圍減

答漸西

沈祥龍

昔年聚海隅年少氣未斂已忘何歲月流電去冉冉憶登宗匠門妄柄並施剡君志軋霄崦雕鏤萬象閃閃一官雖局束孤往自難掩牙齋苦填委案牘自勘點而我久誅茅寢瘵橫雲崦重約漫翁游相期舊學檢檢墨突不暇黔素絲宜慎染其分日力勤未覺心光減

再和

君詩如勝兵鼓行陣不斂險野欲薄人驚走叔山冉元龍豪未除陳吟鉢才銳思再剡文房築長城劉積堂週遇戈賊更閃我亦合餘燼開道欲襲掩顏慮痛卒逋縱鴿苦難點不如處女守堅壁且守崦君言子無然軍軍

籍盡整檢。筆鋒縱橫。一笑翰又染。咄咄故將軍。鏃力石稜減。

次韻

略似雲山孫少述。水風諸適共迴谿。治官書竟還治學。負世事難如負羈。退隱使君言戲耳。澄清良吏勉爲之。丁公著除觀察使制有良吏澄清勉哉是行語卜鄰見約同三泖。長揖歸來亦未遲。

舊時淨舍。聖經侶。一笑邀余出虎谿。咽露寒蟬思振翼。臥風病馬畏施羈。外除已乞荀文若。罪論終伸杜牧之。垂老自嗤才轉拙。佐人治郡已嫌遲。

補和

華亭沈惟賢思齊

欲卜湖峯居。端憂道情斂。不嫌飯甑塵。閑門師范冉。先生如賀公。投老常懷剡。思林匝地出。笑電依巖閃。弄月水潺湲。伐山雲卷掩。山餘青一髮。水散瀉千點。佳處一瓜牛。而藏最深崦。先生語我意。懸解忘形檢。試拂松圓畫。皴無成法染。且供臥遊趣。未覺心情減。

諸公屢和前韻見示復戲答

袁昶

君看臨河敘。筆縱氣轉斂。羣賢曳翠裾。雲集紛冉冉。新詩角妙語。孫許出東剡。仰觀天宇開。爛若巖電閃。勝流河代無。甯爲昔人掩。雖乏曲池觴。各倚斑管點。媿非內史才。敘次竹林崦。未諧丙舍誓。頗畏藍田檢。近山多可遊。石髮青于染。秋禊規同往。清襟良不減。

補和

野安凌紱曾初平

心迹刻倨奇。手版甘漫斂。迴看舊巢痕。芳躅式有冉。往者宰肥城爲有子冉子故里方術恥進身。何爲廁薦剡。交游三十年。歲月如電閃。訪公蒼江陰。精舍赤華掩。忘言筌已棄。品水茶方點。猶憶湖上游。鐙火各深崦。自言符竹累。未頌芝泥檢。浮漚幻千場。淨業無一染。高談意轉清。風月興不減。

六十初度次韻答漸西樵巡

沈祥龍

白日何短短。人老則思傳。岫霞迴晚絢。園桂鑄春研。少壯苦不學。浮生過雲煙。緬懷興化師。元宰融天全。勁風不改色。木以節多堅。顧慙根器劣。懸解常茫然。枯蟬抱山葉。鈍鳥棲蘆邊。漸西澹蕩人。空水共澄鮮。相要證夙聞。擺落悠悠詮。湘君倚算竹。山鬼折芳荃。灑落石梁瀑。飛縈康谷泉。時時出狡獪。文句費瑣鐫。癖耆老禿翁。投分一何偏。淨庵水滌出。微徑花閒穿。酒鉗贈我歌。金石撞淵淵。頗垂卜鄰約。杖策崑山前。荒寒士衡宅。釣眇成連弦。寒暑視榮悴。善游常得天。共逐天隨子。不羨地行仙。

和秦淮水榭歌

劉傳厚

清溪宛轉入淮流。山似嘯蛾斂抑愁。榭裏明妝闌外月。青絲作筓桂爲舟。幾許倡條和冶葉。玉簫譜按春蔥擲。妾是青樓蕩子婦。郎爲朱門游俠客。江雨江風欺管絃。春聲吹徹杏花天。紅蕉洞口鴛鴦宿。玉樹庭前蝴蝶牽。蝴蝶花開一樽酒。酒船翻濺羅裙透。八寶樓前晚卸粧。九華鏡下明如晝。鐙地牽郎金縷衣。曲高微雨燕雙飛。憑仗情天修月斧。等閒幻石訪支機。劫火洞燃青犢去。烽煙淨掃臺城路。重起層樓紅粉妝。舊來曲巷青楊誤。白門流水西風酸。衰柳長條倦眼看。那有金釵伴鍾乳。更無畫燭寫春蘭。春蘭秋菊

江南好。影事重重誰解道。昔日長眉滿鏡愁。十三學得箏篴抱。我亦多情憶舊游。前塵根觸不勝愁。桃根打槳今何在。寂寞寒潮古渡頭。

漸西爲予六十初度作詩次韻奉謝

不見笠澤翁。齋廚供菊杞。使君耽淨名。度世常忘己。老予蒲柳姿。焉得金石比。崎嶇錢日月。流電去如駛。猿鶴蟲沙中。花甲一周矣。鹽車歷九阪。壯志猶千里。社櫟閱世情。幸逃斤斧眎。晚逢沙社客。騷壇屬牛耳。滿冥襟靈表。窟穴文字裏。荷列衆形瑤。如飡醇酒美。譬撮水精鹽。投入功德水。雲閒有沈叟。並轡尋山履。人謂兩禿翁。何殊園與綺。初地已忘吾。彌天應逐子。何用鍊金骨。松脂凝綠髓。

題安般續集

長洲袁寶璜渭流

春風坐我許趨陪。海上牙琴意曠哉。悟徹何曾立一法。起拈花葉禮黃梅。

讀參軍蠻語

陽湖屠寄敬山

先生沈冥草太辛。別國方言有外篇。侯芭問字門許入。桓譚常言書必傳。孤懷欲著安邊論。弱植殊慙上水船。異日倘垂宣室召。奏技宛如烹小鮮。

次韻靜山太史

袁昶

索解欣來郭子辛。新瑤許贈白雲篇。羨君才力方逾上。老我疏頑廢所傳。將奏甘泉陪祀頌。欲浮春水上天船。考槃祇覩君家故。赤水槎頭釣碧鮮。屠赤水考槃餘事於退居所須適體使人推求盡致亦殊有風趣

預邀同社諸君春禊

春晚餘寒匝地陰。散懷齊契仗登臨。栖心祇欲追蘭渚。把臂猶當入竹林。別有幽憂今異昔。但期諧隱陸恆沈。試開傑閣披襟看。一片花畦似散金。

書

屠寄

隨侍三日。飲食教誨。祇銘肺腑。舟中寂坐。尋繹拓禊篇。敬次原韻。兼申別緒。詩不成章。率錄奉上。敬求誨警。橋銘恩書不愜意。擬覓紙再寫。此關勒之貞珉。不敢艸率。示後人以璞也。客中乏羅紋箋。僭用西域陟釐紙。非式恃恩。求恕不恭。手肅叩謝。

禊集永福庵敬次韻

赭圻春色半晴陰。主客高樓約共臨。浩渺二江分舊派。離離一鳥出疏林。薄寒苦霧愁難撥。向晚斜陽惜欲沈。莫下新亭憂國淚。塞河且試鑄黃金。師有別有幽憂今異昔之句故反釋之

茅庵寂寞枕湖陰。幕府風流此地臨。自脫繡衣從小隊。共攜芒屨步規林。勝懷禊序應追擬。好事豐碑且欲沈。是日書觀音橋銘去。去師門重回首。華筵恩禮費兼金。

南庵脩禊次韻

沈祥龍

意行同過綠楊陰。突兀高樓水際臨。雲約遠山嘯畫檻。風傳疏磬出禪林。相邀蓮社吟朋聚。莫道蘭亭韻事沈。入座何妨今勝昔。神仙賓客重南金。



小作句留坐樹陰。不煩車馬此喧臨。題名略似普明院。齋會惜無支道林。平野尋芳春浩浩。流杯枕石綠沈沈。過江誰是持三論。莫遣流傳有碎金。

溫岐舊曲和湖陰。春水舟剛勝地臨。清曠江山開畫本。聯翩裾屐集詞林。惠風隄畔萍根煖。夢雨欄邊柳絮沈。不減永和觴詠興。良辰美景值千金。

漠漠天光弄夕陰。翛然我輩復登臨。名花韻淡依香界。歸鳥情幽託茂林。懷抱更應增曠達。功名且莫問升沈。但吟地主觀山水。孫統詩成似點金。地主觀山水。孫統蘭亭詩句也。

和南庵禪集

苔上凌 瑕子與

晴波灩灩柳陰陰。傑閣憑虛此快臨。大有尊罍供嘯咏。居然城市似山林。壺簪雅比臨河敘。擊鉢奚愁夕照沈。多謝主人壇坫盛。敢辭惜墨竟如金。

劉傳厚

傑閣參差萬柳陰。百年世事幾登臨。偶因上已開詩社。難得羣賢集梵林。塵夢不隨風蝶颺。名心漸與海鷗沈。夕陽扶醉歸來晚。野菜花開遍地金。

彭

湘陰 彭兆琮印根

寺樓幽敞水之陰。偶約閒雲物外臨。隱隱紅橋論地主。垂垂黃海接疏林。千秋公讌詩才嬾。別派胥流霸業沈。今東壩潭蹟蓋伍員開中江故道。祇欲扁舟尋范蠡。越人空費鑄黃金。

疊前韻

脈脈春光盪曉陰。幅巾瀟灑得閒臨。吟邊約法寬觴政。悟後參禪斥智林。絕塔風鈴當檻語。九華霧鬢隔簾沈。莎青閣上天然畫。未要倪迂墨惜金。浸畦秧水菜花陰。政暇兼宜課稼臨。澗長魚苗春帶雨。筵催犢背韻穿林。漉翻缸面傾紅友。耕出戈頭洗綠沈。誰識浣花憂國意。綏豐願共祝穰金。爲親風俗憩湖陰。那礙疏狂放眼臨。與象鳶魚證微妙。班行鸞鶴嘯泉林。無絃妙孕琴心靜。出匣橫看劍氣沈。領取化機融性冶。靈臺真有九還金。幾日圍屏桺柳陰。重來幽賞足攀臨。竹籬茶塢瞻初地。清磬蒲團坐晚林。如許韶光容誅宥。最關憂樂肯銷沈。示詩有幽憂今異昔之句斜簪桺髻從蕭散。已脫犀圍帶鏤金。

華亭沈和敬子剛

輕煙漠漠盪花陰。杖履超搖勝地臨。紗帽隱囊聯舊侶。清溪碧嶂帶春林。敦槃盛會應同暢。書劍雄心未許沈。集句更呼陪末座。愧無詩筆抵兼金。

海鹽步清藩介臣

莫春天氣半晴陰。同約賓朋此地臨。四面好山遙入畫。一聲疏磬靜穿林。高歌始覺幽懷暢。文讌休教勝事沈。極目菜畦花十里。遊人歸路蹋黃金。

桐城何則琳退齋

佳觀何必定山陰。把臂登樓快共臨。曲水流觴成故事。淡煙微雨鎖芳林。能除害馬天君泰。妙解金牛世慮沈。灑落東南賓盡美。一時詠唱韻皆金。

印根見示新詩

袁昶

老錢佳句逼何陰。真本黃庭未許臨。集雁乍懽簪合聚。棲鸞卻媿枳彌林。兩王繼起應推秀。謂君鄉先達逸吾祭酒叔

秋山長

一士擅思獨好湛。因我簿書艱覩句。脆如牛鐸撞羣金。

寄和約齋夫子禊集韻

吳縣施亦爵洛笙

清游難得半晴陰。發興懸知勝地臨。絕妙襟靈參逸少。傳來畫本拓雲林。杯停小院花初放。雲擁深山塔半沈。佳會允宜判一醉。春光欲買抵千金。柳綫垂垂拂路陰。山靈未許預登臨。泥留爪印題僧壁。風送吟聲出茂林。花氣暗隨流水淡。雲痕遠共夕陽沈。朋簪誌慶同尋樂。訂得交情石與金。

雲門秦中書來示見和詩累數番紙才如泉湧雋不可當戲答一絕

袁昶

漸西浪作閒言語。引得雲門一棒來。似出驪山神姥授。噤子有口不能開。

邀子剛出游集句

暮春沙艸羣瀉徹。小舫正橫溪上風。安得仙人九節杖。羨君懷中雙橘紅。定知出郭少塵事。徑須著鞭隨

詩翁謂尊人約齋先生年垂半百不稱意。倘有江船吾欲東。

登知稼樓宴集

商君務農戰治國力本根。戶口資殷實。董勸在耕耘。不修良足惡。草宅饕餮還。王元長永明十一年策秀鏡稟本向未賦幣滋多近日海內民窮財盡力竭細似當方行節儉師魏典農中郎末州將兼管內勸農使之意以舉荒盡地利教民耕作為急重農積粟力田者有獎必令內地戶口殷實糧立勢舉乃徐圖游觀佳晨。漠漠東作。將課勤。百昌久冒。概社集。趁餘春。衆賓歡佳會。開筵列芳樽。液液散和氣。欲以囓黎元。緋桃萼已殘。綠柳尙依門。半麗極遠目。溝塍鋪綺繁。薄晚未須檄。別軫感飛翻。敬山太史曲蹊傍林轉春流帶雨渾荒壇緝篆鮮幽薄采芳蓀弱翰攀昔輓逸情爾奔雲未忘命名意相與漁至言

食筍

南來祇有一事勝。日啖東籬上香筍。肺病經年畏豬肉。兼珍復得松花菌。簾龍解甲美如鮮。荆切駢頭付庖尹。北地黃芽蛇女鮮。南州綠繡饒守罷。北人以黃芽菜爲美味亦春衫明日仍未脫玉版穿籬擲虛牝啖肉邊菜信機鋒。臥聽茶鼎號春蛩。

悵望集句

悵望獨策還。春晚綠野秀。天際識歸舟。窗中列遠岫。庭空見野煙。川靜聞山狹。時來北窗閣。迺忝朝廷舊。孤雲倒來深。爛漫堆衆皴。深心託豪素。識微在金奏。未有一人曾。登高絕危嶺。

蟬磯

麥碧花黃遶古祠。翠簷雲氣護金支。春深斑竹疑滴淚。事去靈風尙滿旗。荒壘何方尋戰鳥。洞冥至竟接然犀。濤聲似挾胥江怒。一勺椒漿故國思。黃左田尚書方與記時以其地當桓溫屯兵之戰鳥山赤鳥皆在桐廬境內。

王大令邀泛舟渡江謁靈澤夫人廟置酒舟中作

又

昔栖羽客丹邱觀。今住縑流一把茆。入蜀記。淺磯有道士結廬其上。政和中賜名甯淵觀。清瑟傳芭迎送曲。玉簫折柳去來潮。英靈合薦瓊蘇酒。壇壁應塗茝若椒。入座深杯同茂宰。隔江山色插雲霄。

贈饒輔星

堅凝斂盡氣縱橫。東塾猶留老典型。吏部爲陳開甫先生之高足弟子。豈有奔蜂化蠶蠟。更邀明月伴長庚。未能藥石康時變。且向溪光濯垢纓。記取坐穿官舍榻。綠天新拓綺窗明。

和

嘉應饒軫輔星

夜談月落又參橫。得侍清容舊典型。隱几潭思抽乙乙。解紛彖理擘庚庚。相看元老猶刀筆。何處清流濯足纓。符竹何曾妨避世。願將燭火附貞明。

調塵遣

袁昶

天不予閑曠。暫謫在塵喧。北市巢一鶴。南村巢一鸞。潺潺一水閒。脈脈抱至言。若好與俗殊。世議畏濁煩。

譬如青鵝雛，強以麝鼠淪。世道之所衆，孤光開天門。願早辭殘秩，相攜謝籠樊。竹有一斛實，松無斧斤痕。帝賜剡溪曲，石壁倘可捫。扁舟載酒去，逸興青邱吞。庶遂緩鶴性，擺落蚍蜉論。凌處士一字病鶴故戲題云云。

奉和欽使閣學許公海外見寄之作

方丈仙人絳節遊，班行久冠鳳池頭。智囊橫擗西紅海，詩境雄開北鬱洲。時使節駐俄，佛說北鬱單越洲，應直其地。璫札遠銜存散吏，前驅祇待迓歸騶。獨慙緡算無裨補，掌制還朝冀見收。

原作

秀水許景澄竹耘

十年臺妙最知名，今日真看直指行。天下軍輸緡算重，大江鏤鑰雅歌清。徙戎深念煩江統，諡蜀風流羨馬卿。緡取相思馳萬里，漢家帛雁正南征。

再和

袁昶

九萬里書珠咳唾，十三行札意迴環。浮沈祇合潛郎老，飛輓甯任樵吏難。戎索廷推銜轡倚，重臣公已鬢絲斑。圖成蔥雪天顏喜，進御真看米聚山。帕米爾邊地紛紜爭執未定苦無佳圖定其方向至到得公奏進羣疑頓釋。

寄重黎

樊增祥

巾墊于湖上，闌干花影繁。書含十二意，文儷五千言。治劇詩仍細，官貧道益尊。聞鷗他日至，不敢避轅門。

奉懷溫巢

海甯馬瑞熙禪樺

縱有雙鱗日往回，山城無地約尋梅。未堪耐俗同茲病，何以酬知媿不才。幾束簿書誰掃障，三冬文債亦

成臺郵筒一事差相慰。昨夜天瓢灑雨來。入冬久旱。昨甫得雨。

喜雪效徐位山虛字體寄溫蓀

長白聯 元仙蓀

之罍頌禱達通關。響若嵩呼動翠鬟。者箇效靈關世運。焉逢計日送春還。哉音避忌文嗤宋。乎邇行看雪滿山。矣縣呂州俱校正。也今一體觀天顏。郝京山髦書唐進士有單姓主司誤書單請改正主司曰方口明一統志女直朝貢地面有也今河

用前體別作一首

哉周卜世賴人文。坐典方州孰若君。也窟兵威連越嶂。矣棲村落靜蠻雲。者鷄西去安狼次。焉鳥南來與鶴羣。乎土逢年占穀麗。之溪舟泛頌聲聞。

秋晚和重黎韻

江氣生雲蔭市闌。未妨中隱窟煙鬟。嶽崎野鶴枉相顧。偃蹇倦禽猶未還。幾輩雍容騰鳳沼。十年留滯守龍山。登高忽遇青霞客。泛菊浮杯一破顏。

次韻

無錫顧森書綸卿

逸翮超然不可羣。雲山茗遶隔江分。吟非租牒清傳韻。閣有官梅雪吐芬。南郭據梧心自遠。東坡饋歲意長勤。碎金霏落青油幕。支許同游讓卯君。謂石仲舍弟

自題毀廬八詠

歙汪宗沂仲伊

弢廬

劍室弢其芒。弓韋弢其堅。山人亦藏用。嵐翠當門前。

抱冲亭

檻外畦芳艸。披襟此抱冲。年年四五月。香氣與蘭同。

芙蓉池

木末江南采。芙蓉繞石闌。池涵半規碧。紅萼耐人看。

梅坪

攀翻黃山雲。嵌崟太湖碧。一石一梅花。玲瓏宜月夕。

雲起石

石好何勞拜。平生嬾折腰。溪雲生一縷。扶寸上青霄。

嘉雨軒

連辰盼甘雨。雨來軒已成。因之計秋穫。更省硯田耕。

藕溪樓

紅藕香殘處。微吟憩小樓。東南遠山出。濃淡最宜秋。

延年室



插架分子目。兵農禮樂儲。花南竹之北。爽朗繞窗疏。

和

毀廬

不見毀廬子。伊誰捉臥龍。

庚辰年贈君詩有龍泉捉爾延平浦之句

背人修劍術。莫作白蟻公。

抱沖亭

靜士善觀物。躁人夢飲冰。抱沖忘歲月。剝啄百不膺。

芙蓉池

涉江生遠懷。寒木多秋思。莫笑此方池。圓靈映其裏。

梅坪

復似孤生竹。盤根託此坪。初疑殘月挂。旋向綺窗橫。

雲起石

莫便撐空起。相伴瓊臺塾。

天台齊息園先生嘗獲一石雨時能出雲氣

未洒南晦霖。且蔭西龕笈。

嘉雨軒

山人老無事。只讀董生書。能鞭伏龍起。更促阿香車。

藕溪樓

樓吸山千疊，滴殘花一溪。第三層許到，莫使絕攀躋。

延年室

餌芝非續命，汗竹可長年。判作琅嬛主，能教美意延。

宣州北樓楊惠峯太守屬題

聯元

味根亭在安慶府城中晏坐剛，綠卿菴夔森晚涼。手把重黎詩卷長，北樓游興詩所詳。宣城何許屏震方，綺窗列岫凌蒼蒼。壁閒題句如蠶房，元暉謫仙抗顏行。曙星華月留光芒，謝宅李墓遙相望。我屐未到白雲鄉，昔守牛渚思刺航。語我風物郡將楊，地形宛邱崇重岡。郡齋邈遙傍射堂，崇阜忽起大翮翔。傑閣晴空俯莽蒼，一層更上瞰大荒。連峯瞿硎縈陵陽，北則敬亭青未央。宛溪流出松花香，神仙采芝尤爲糧。木食礪飲壽命長，屬題何敢輕頌揚。美公治行詩亦昌，餘事欲繼前徽張。心已馳彼哦彷徨，松風千年醉幾場。古人珠玉光照廊，不辭疥壁題其傍。

和近事書憤之作

沈祥龍

滄瀛鼙鼓動秋風，毒嘯扶桑滅日東。幾處當關蹲虎豹，一軍背水化沙蟲。島夷但慣工狙擊，海氣無端被蜃蒙。時事艱危誰禦侮，從容籌筆冀元戎。赫赫遙聞震九天，臣民敵愾氣無前。出師特下明堂詔，餉士新頒內府錢。屢遞羽書催保甲，更徵驍騎議防邊。捷音早盼來溟渤，敢說朱厓地可捐。

玉帳牙旗鎮帝畿。皋牢四貉坐參機。魏公自請臨前敵。裴相終思振國威。裴論諫垣紛進疏。罪言記室枉  
蒙譏。東征仍倚勳臣重。闔外諸軍待指揮。  
樓船橫海連靈樞。擊楫還邀祖逖俱。易失黃龍新戰艦。難援元菟舊名區。前鋒或似狐毛退。嚴令猶稽馬  
謾誅。頭額縱教焦爛極。急收餘燼搗東隅。  
明友新軍號度遼。欲張漢幟逐天驕。祇因左次兵機滯。遂致橫磨劍氣銷。地利上游爭未得。火攻下策戰  
徒挑。倉皇忍見興尸慘。鴨綠江頭萬木彫。  
政府頻煩策治安。遲疑棋局定偏難。臨危易竭囊中智。先事閒同壁上觀。汗馬功誰收絕幕。爛羊侯亦許  
登壇。他時魏絳謀成後。終見汪洋聖德寬。  
要盟強使備芻糧。躡蹑雞林氣不揚。大澤萑苻藏亂黨。內宮兵甲困羸王。乞師欲保三韓境。入貢仍稱萬  
壽觴。常望舳艫來破敵。清秋沮水自湯湯。  
回首中興戰伐經。神兵百道走雷靈。又逢遼海洪波起。漸見將軍大樹零。自昔越裳曾畫界。卽今陽谷可  
犁庭。桓桓部曲重招集。龍劍鏘新再發硎。  
鄰邦形勢似連雞。後患還應慮太西。倚棹利思收蚌鷸。揮戈難徧戮鯨鯢。但期縱約堅韓趙。更望交離隔  
楚齊。埽淨蒼茫三島霧。使星依舊啓輪蹄。  
海濱萬里地紛歧。處處增兵扼險宜。鹿耳門深嚴鼓角。狼山江迴列旌旗。設防細柳來眞將。習戰昆明聚

水師露布迅馳人忭舞。璇宮同獻祝釐詞。

近事書憤和約齋兄兼呈重黎師

沈惟賢

西極屏危勢欲吞。

方有帕米爾之爭

扶桑旋見海氛昏。羯腥已染神州徧。羝觸渾忘北闕尊。豈意殷憂先黑子。似

聞詭計挾烏孫。

橫磨十萬東隅失。大錯追憐奇渥溫。

玉堂佳話以俄羅斯爲烏孫之後元東征兵十萬遭颶風脫歸者三人

江原八道莽邱墟。朝使蒼黃走傳車。豈盡荏苒東社惡。久知鎖鑰北門虛。藩籬不謂忘殷鑒。島索何曾畏

簡書。當殿遂回明主意。諸君袞袞又華裾。

天威已囂大且渠。上相雍容計又疏。斗入一軍孤彳亍。銕縋百艦付籊籊。坐愁黃海妖氛近。拚拾朱蒙劫

燼餘。正憶巡邊登上計。義義紫綬頃新除。

丹崖銅柱黯蕭條。誰遣逋臣廟幕僚。瘕國竟成華氏狗。嚴師恐漏寺人貂。辟邪神豸紛投謁。問俗閒鷗早

獻嘲。

闕于何爲觀光記游於彼哉多徵詞

時局豈堪公再壞。方今寬典許逍遙。

有詔旬宣日月旁。中興功大首成王。指揮宿將驚呵叱。骨鯁尸臣筦辯章。百道旌旗齊虎變。十洲苞蘖敢

鳴張。夫餘若遣虬髯主。犄角從知左臂良。

中丞抗疏憤華離。號召瀟湘計出奇。此去未遺東一矢。傳聞規守北三陲。龍江舊部分王氣。烏拉新屯壯

帝圻。牢絡獸心重粥氏。諸軍狼顧復何疑。

郭李連營未解圍。荒荒蜃氣薄南畿。前車可念雞籠峽。積弩深埋燕子磯。猶病楚咻常伏莽。何來秦蹀忽

文衣祇愁粳稻東吳便。天塹偏能不翼飛。

羽書南伯鬱森森。敢翦吳淞旂若林。狂藥舊儲不龜手。嚴刁豫折伺狙心。憂深髮緯炎岡發。痛指參驪大將沈。幕府若行圍魏策。星祖一爲遣韓禽。

溟海連檣壁上觀。老謀縱主締齊韓。爰先對馬知辭直。禍比連雞亦胆寒。徐結斯丹藩雪嶺。天竺或云真都斯丹斯丹

汗號也急增校尉護烏桓。捧書萬里檠能定。底績三山石待刊。祖洲開國渺秦年。莽莽滄瀛霧一拳。豈謂生心梟破鏡。可知捷足雀捕蟬。彊鄰流鬼終投隙。聖代朱崖未擬捐。疾走齋然議封貢。汪洋或許覆堯天。

九日南樓宴坐

沈祥龍

長嘯齊登百尺樓。重陽風物望中收。一簾山色晴分翠。萬派江聲冷送秋。攜酒豪同傾鑿落。感時憤欲看純鉤。故園黃菊應開滿。醉後還教憶舊游。

感事二十首

彭兆琮

風塵莽東壑。尉候絕維婁。電掣鯨飛急。兵深雁氣秋。邊霜彫畫角。海月碎輪毬。漢豈無飛將。多年奈爾侯。樂浪持節地。斥堠幾邊亭。蠶毒惠殊類。旄頭奮使星。避虜情未白。嘯蜃氣先青。仲父元戎略。徵書望掾邢。甘言誤屏主。獐餌啓關奴。閭位懸更奕。前盟各置孟。鶴藥吁狄躡。牛敗信陳愚。條教聲靈在。後來八道蘇。幃幕臨元菟。天王守四夷。非關爭島索。故遣檄雄師。虜本墜吾目。劍胡搯爾頤。雷霆下森詔。神武萬方思。

坐惜橫金帶。能輕卽墨生。贖邀秦許媾。險被趙渝成。熊耳虛齊甲。鴻溝縱沛兵。微聞馬服子。大纛赴長平。地險前驅失。孤援復後期。蕩陰軍不進。京索勢先披。莽伏重垓襲。師燔萬竈夷。霜寒碧驍館。馬首問安之。令擾聲終夜。大同江水渾。援枹但掬指。撻狄未歸元。渴賞英靈卹。稽誅債將冤。在和思共沛。那忍負君恩。鴨綠潮騰上。嚴逾鍊鑠懸。誰持木罌渡。頓潰柳條邊。督護塞歌慘。度遼烽火連。王師已東伐。備募更幽燕。鉞舳灰俄起。吞腥血浪洄。樓船散橫海。敵舡倒同舟。狙擊檣雲坼。毒攻礮雨遄。無能謬楊僕。餘燼擲難收。軍儲放內府。憂沛痛黎元。兩戒占星莠。三軍感纘溫。東藩納蘭略。西掖羽林屯。願盡徵頗牧。馮唐有味論。映塞虬髯色。當機玉戚攸。懽懽民望歲。圓轉勢投羈。再舉中興業。重開大將壇。殊勛照荒裔。扶浪壁三山。曼倩三千牘。司勳幾萬言。官閒庸好議。佛隱且稱尊。安齒揮中蠹。甯游釜底魂。低徊厝薪計。誰念徹桑根。臺嶼南瀛重。銀苗礦穴珍。門扃雙鹿耳。灘轉七鯤身。舊費天兵力。今防異族鄰。施監挾英略。盜賊果王臣。北陸封京觀。南閩備豕蛇。雲屯黃歇浦。海漲白茆沙。三鎮資相掎。前禽矢共遮。東南足財賦。從古屬天家。乍捷遼陽箭。纘培旅順吭。渝關開迤邐。碣石運蒼茫。隘守一夫狹。形圍四塞強。甘泉馳夜奏。燎火徹宵煌。藏富農商重。空爭積粟船。杭帆截遼海。餽漕滯斜川。蠹蝕侵綰幣。創深貸布泉。漏焦非計得。煩費況蕭然。倉卒徵師議。駢羊強誓熊。將軍彫代北。子弟老江東。膽苦驚鳴鏑。魁猶冀撥纒。養兵如養士。至竟耗無功。文吏怯言戰。鼓鼙思帥臣。楚材雖用晉。越膽慮乖秦。會淨機槍掃。應資壁壘新。天垣將星運。電卷翼鉤陳。地謀經兩海。唇齒慎寒盟。脊舉中原起。駒懲臥榻生。驅戎備流鬼。凱雅奏奔鯨。應實形三策。持權且細衡。

王氣蟠蔥鬱，神謨舊關疆。蜻蛉洲蕞爾，雞鹿塞郎當。截海關全壯，封山劃大荒。帕米爾勛界，王辰迄今斷斷未定。瞰俘七惠舞，端拱蒞明堂。

九月十九日招仙術拙存重黎讌集大觀亭

天台王詠霓六潭

盛唐山外古亭荒，來與羣公醉一觴。遠岫風花隔江水，高秋雲樹展重陽。似聞遼瀋邊聲惡，不盡滄溟海氣黃。寄語東征諸節度，幾時痛飲出居昌。縣名屬慶尚道，倭兵必經此。

大觀亭

袁昶

大山亟龍髻，勢若奮若搏。前江後襟湖，雲水氣參錯。蓬萊割左股，列岫皆削弱。長風號壘空，崩濤聒張樂。浮天亘東南，蕩涵界林薄。居民萬瓦蟠，鱗鱗曝增壑。何人亭其上，危構介邱託。以供雲將徒，笑對鴻蒙躍。仙人王子喬，晨策羣彥約。是日六潭宴酒，名客仙術主人乞得子幹。山根祕精靈，江水此鏤鑰。至人游貞觀，外物隘寥廓。襟期耽靜退，龜拯仗流略。弛張靡常家，榮晦無滯著。行藏眎乎時，德論契寂寞。各適真君趣，大道有龍螭。

和

長白聯 元仙術

危亭鶴俯啄，奇石獸仰搏。林衣青繽紛，山果丹璀璨。窪疑仰巨羅，凸儼彎繁弱。張之嵇生琴，酌以洞庭樂。佳客賞心同，主人嫌酒薄。湛醪乞芳鄰，轟飲吸巨壑。清濁一中之，賢聖欣所託。哦如堅金撞，契比甃錢躍。浮瀾聳層觀，勝寄標夙約。未覺秋爲氣，浮雲掃蕭索。時乎多憂虞，興到足斟酌。青鵠瞰樓船，白髮論祕鑰。

海圖開曲紆。善策戒膚廓。東戔思前籌。北拱偉廟略。師以後直強。奔貴先幾著。雄藩規朱蒙。銘勒靖松漠。方將封云亭。毋爲安蜺螭。

重九日知稼樓宴集病未及與因讀大觀亭詩用韻奉和

彭兆琮

大江塹天門。絕險勢欲搏。淋漓元氣融。東南灌午錯。餘波送六代。地雄人轉弱。潮聲忽不來。鐘簾移宋樂。積流起督師。四鎮潰力薄。江山告無恙。人事紛委壑。逍遙挈元化。勝宇適所託。湛然出塵滓。礦質變冶躍。昨聞戲馬吟。羣彥赴晨約。脫帽酬佳節。而我病居索。東籬對甘菊。欲采苦勝酌。今讀謝公詩。真諦勘鍵鑰。蟄雷衆所驚。萬象會昭廓。狂瀾驚東注。障以弢版略。中事破餘論。譬鏃飲羽著。芥慙吞裨海。斗入憂北漠。抱此屈信理。寄謝嘲蜺螭。

乙未元日偕印根霞儕子剛介臣仲默步登小蓬萊閣遂游永福精舍而歸

王詠寬

寒江澹遙情。客居尠塵事。賞心覲良友。翫景樂新歲。隨喜知嚮方。是日喜神在東南方選勝訪古寺。郊塍草漸青。萌達有生意。小閣快登臨。層樓寄遐思。橫覽大九州。瀛海環球地。東鰈與西鷁。梯航萃珍異。頗牧重邊材。班傳愼膚使。撫馭漸失宜。狡狙或窺伺。驕子弄潢池。曹曹天亦醉。明明古哲后。柔遠貴內治。四維妙弛張。三五陋表餌。島夷安卉服。蕃舶逐錫利。行見鳩水涯。款關附計吏。日本通商無長江各口和議成必以是爲歸宿隱几發雄譚。請纓負壯志。啜茗謝緇流。簸飯笑兒戲。歸來握弱管。得毋文字累。且證三摩禪。無侈十州記。

將之金陵途中雜詠和漸西



菱湖水淺江水平。同安驛邊勞送迎。樓船風利不得泊。余亦翻作金陵行。懷甯同安水驛。隨院同候南皮制府不值。議於太子磯築堡。亦不得法。近無用。

浪裏飛沙可若何。鎮風亭下劇風波。江上有蛟射不得。塔影空照樅陽河。

白沙洲畔草青青。黃柏楊林名。

皆洲名。

次弟經指點。銅官山色好。開鷗飛上雪花汀。

終古風雲戰鳥圻。蟠磯斜日動靈旂。夫人亦有沈江怨。誰向瀟湘弔二妃。

過江三論久推袁。車笠相逢黍谷溫。閒倚曲欄談往事。相期采藥桃花源。

過蕪湖重黎來。同舟夜得縱談。

裕溪古是滯須水。舊塢荒涼直到今。上岸幾人能殺賊。油船若輩恥爲禽。

青山小市元暉宅。采石江干賈島墳。奇石流泉皆入畫。丹林翠篠自成文。

半是楓林半柏林。烏江紅樹影沈沈。八千子弟今何在。愁絕虞兮一曲心。

形勝三山據上游。負隅應隘九洲洲。曾是昔年爭戰地。黃蘗苦竹十分秋。

髮匪居金陵。官軍力爭九洲洲要隘。

過卻平山又定山。嚴城浦口自彎環。漫誇白鷺洲前客。奪得匡詩一鼎還。

小艇秦淮打槳迎。龍蟠真見石頭城。漢西門外黃昏路。竟旅何妨策蹇行。

下關爲秦淮河口。乘衛入城已昏黑矣。

### 金陵歸途雜詠

鳥自高飛雲自閒。倦游孤客也知還。幾日相看兩不厭。翠微亭外清涼山。

四象橋邊日未斜。盧妃巷口野人家。南唐一種傷心事。開落楊花又李花。盧妃巷爲南唐故宮址。

巖巖高樓蠡御碑。臺城惟見黍離離。春旂楊柳飛花日。猶是華林馬射時。碑樓舊名鼓樓。六朝臺城在其北。亂後惟榮哇竹園。

獅子山岡儀鳳門。閱江樓趾至今存。金川燕子飛來後。殿陛獨留碧血痕。故宮左文襄創建。方正學血石亭在明。

度卻紅橋又板橋。清溪衰柳自千條。西風昨夜悲搖落。瘦盡休文一搦腰。

龍洞西華指顧閒。扁舟已渡昭明關。仙人港口寒煙鎖。慈母山中細竹斑。寶宇記慈母山在當塗。生簫管竹。

小泊于湖爲故人。子麟。藥洲石甫介。臣均在蕪湖相見。同沾青弋一江春。名。酒樓。淮西雪夜功誰最好。繼天生社稷臣。夜同李伯琴談事。

緒山塔下曉煙蒼。猶有千竿竹影涼。欲問涪翁肅遺象。無人知是讀書堂。緒山滴翠軒山谷讀書處。李公世傑分廵于湖。改祀文昌。壁間

石刻三小象。皆近今人。

百畝湖光澈碧波。敗荷殘柳奈愁何。鳩茲亦是銷金窟。零落中江舊綺羅。西湖池在蕪湖縣西。米禁不開。商賈折閱。無復舊時絲竹管弦。

盛之。

使君一昔儉成規。大婦荆布少婦隨。不惜毀家紓國難。作忠移孝是吾師。重黎閩人。衣不曳帛。先後助軍。饋捐八千金爲大父。請建坊。

離尾洲南板子磯。江流險隘見應稀。莫道人心不如石。常無常有亦兵機。嘗議於秋港。板子磯一帶築墩堡。未行。磯輪船溯洄時莫差。長年泛宅水爲家。黃昏不見仙姑廟。何處奇峯是九華。夜分望九華山。不得見。在

偕印根諸君重過滴翠軒時新脩落成

前人

丹陽亦是名流地。曾落涪翁撰杖邊。遶郭江光浮古剎。到門山影蘸清泉。棧題豈作千秋想。桑下能無再宿緣。及此登臨儼圖畫。水雲於我共澄鮮。  
少日譚兵喜輸墨。老來偕隱慕鴻光。未成陽羨山中計。無奈天吳海若猖。歲幣金繒成底事。新亭風景亦堪傷。與君且作洪崖約。別後何如客夢長。

觀音松

松已化去  
菴名廬存

億身已證菩提果。無復潮音靜夜分。猶有楊枝濯瓶露。莫隨禪絮入聲聞。

自幕中步歸寓宅

閩縣鄭孝胥太夷

幕府絕通謁。散步惟長廊。枇杷冬始花。雨中送微香。院落少逢人。向夕氣已蒼。覓句悄隱几。移燈清照床。竭來親吏牘。勉強豈所長。騷騷北方警。寇深徒慨慷。此都彼久瞰。狙獍誰得防。論議多奚爲。緩急未可量。出門望我居。南去方里強。數日乃一歸。兒女迎踉蹌。坐定顧之歎。老我當何鄉。

乙未二月卽事

將移居中  
草堂南鄰

惆悵梅邊想戰塵。往來何地著吟身。客懷漫比官爲業。物望誰云國有人。花發休論滄海事。水清聊結草堂隣。東風草草勞人目。又看江南二月春。

記對南皮尙書語

尙書顧我言。子適日本歸。韓釁初未起。蓄謀非一時。彼族治戰具。其端詎難闕。覘國能反報。備豫或不遲。

邊事壞至此。語次張髯髭。逡巡仰而對。斯意匪所知。頗聞列國法。其制有三師。號爲常備者。終歲聽指揮。晝警若赴敵。宵嚴若交綏。其次曰預備。軍行乃登陴。又次爲後備。不足則徵之。朝令夕已發。有類脫兔馳。中朝實久弛。文武苟以嬉。寇至紛募兵。械器窳弗治。近如牙山役。浹月遙相持。濟師數十請。主者莫肯尸。敗我非彼能。滿上眞羣兒。尙書試熟念。下走徒歔歔。

題賀監正書龍瑞宮碑後

會稽陶潛宣文沖

十年夢遶龍宮記。覆釜蒼蒼祕始窺。在覆釜山之半嶺。巨石摩崖。不見山陰眞種子。迷離棗木至今疑。

文沖以新搜得賀監碑。揚遺余爲之狂喜。奉和

陰崖鸞鵠衣落荔。獨上陶生偶得之。云是四明狂道士。眼明今始慰湛思。賀公晚爲千秋觀道士。年至八十六。當時紙盡語隨盡。落筆春林絢采如。不獨千秋尋妙迹。體清心逸更華子。

承餉瓜數枚。偶得小詩誌謝

彭兆琮

千年清宴南皮後。餉帶甘泉見漸西。冰谷遠包紅瑪瑙。雲英新翦碧玻梨。割分劍舌筒中蜜。倒浸星盆水底犀。爛熳此心無鎖處。幸叨解渴謝訕詆。爛熳飽懸夜氣深。青門寄隱暗驚心。人間位業尊黃軀。仙苑根芽脆綠沈。種到熟時過四劫。材無洩處尙千金。蒙莊用大嫌無謂。欲叩逍遙義不禁。方物齊輸漢力強。舊時分割搗坤囊。老羌瘦削龍沙玉。哈密甘融瀚海霜。不信魚妖蒸朽化。可堪狐尾蝕。

迷藏夜搔慎護邊庭吏。未必甘分解德梁。

題成邸書隗囂盤詩後

樊增祥

偶得阮文達扇面。乃成親王書。所作隗囂盤歌云。隗囂宮中盤幾枚。秦州山農鋤出者。杜老吟時。殿已空。悠悠況又千年也。白水真人老兵事。得隴望蜀心猶且。飄燈小雪照題詩。磨墨阿瞞臺上瓦。因次其韻。

有泥不封函谷關。陶爲飲具胡爲者。想呼文淵入臥內。舉酒相屬豁如也。建武天子御金甌。度外置之亦聊且。千年耕出土花碧。不作昆陽屋上瓦。

賢王縑素滿天下。此詩持似儀徵者。鼎彝屬屋積古壘。胡不並收天水也。品題石鼓王善謔。余得阮刻石鼓尾語多嘲諷蓋當時以初揚本獻之王卿者也傳刻棗木吾聊且。余所收自明以來墨迹甚夥擬刻流布得扇更望持盤來莫笑貪如楚囊瓦

錢勰欲石復欲畫。吾亦人閒好事者。佳詩一字直一縑。況在少農卷握也。款署芸台少農吟弔井蛙何慨忼綰結春蛇無苟且和詩剛遇雪晴佳。涼月一波起樓瓦。

和

袁昶

略如撓酒金留犁。云是隗宮尙食者。當時索糲呼荷荷。蹇人胡能上天也。窮櫛丹青殿已空。杜秦州詩語身不能容與物且。盤今流落誰何手。試取新篋傾老瓦。

朱邸瘦金鉤勒書。以贈雷塘蠹主者。從來名蹟畏豪奪。豈得樊山長有也。書存盤失詩語妙。寶若柴窯亦

聊且。謬云柴窯片瓦值千金。卻索和章到小生。玉盃肯拋來引瓦。

阮公者古王善諧。乾嘉風韻少繼者。渭南逸筆殺溪藤。紙盡千番猶未也。手把燒春琥珀鍾。排悶裁詩君曰且。珠璣遠致誠難和。我憚注金姑注瓦。

又和出城遲客不至韻

想見渭南花滿縣。寺樓無不留題者。醉留東野願雲爲。那得西窗招白也。孔翠戲茗君信然。鮎魚上竿吾亦且。把君新詩闔且開。扶床伊嘯聊弄瓦。小阿茶裁兩歲適抱之作伊優亞語亦似解讀詩

壺公師語予雲門以才人而官福地海警全沸獨渭南晏然如佛國故能榮觀宴坐多造語言因再調之

專城簪得嫋嫋國。冰玉雲駟爲侍者。曉寒手擘衍波箋。疑出世閒言語也。匿藏絳守軍謀祕。芝採黃公眞樂且。了不聞碧眼倭奴踞毗那。黑衣大食侵阿瓦。

南皮尙書師移節金陵寄呈

樊增祥

手提三十六英雄。坐使丹霄日再中。勳業明時光玉鏡。身形暗裏護紗籠。臥龍抗表紆籌策。司馬登朝仗

樸忠。溫公晚年詠懷詩。不負明君有樸忠。江漢滔滔向滄海。迴瀾力障百川東。扶桑日暗海揚塵。移鎮金陵控析津。繡像平原求死士。發蹤蕭相是功人。大航朱雀屯千騎。絕塞盧龍值幾緡。夜起占星視狼角。勝棋樓上月如銀。

微元遣山論詩絕句

十九首  
選十三

富陽朱彭年莘潛

江左詩家祇朱十。晚遷宋洛壯唐餘。新城長水何軒輊。更喜傳人有笛漁。朱竹垞  
妙年詞賦黃門亞。復社雲間孰繼聲。一自鼎湖龍去後。興亡淒絕庾蘭成。吳梅邨  
理學東南世所師。使君清節繫人思。黜浮崇雅歸先正。豈獨詩名冠一時。旋愚山  
萊陽矯矯絕塵埃。健筆真從杜老來。北宋南施公論在。何云玉叔太矜才。宋荔裳  
經術湛深毛大可。獨將吟筆繼風騷。詞繁意盡嗤坡老。細味詩評品自高。毛西河  
家臨綠水長洲苑。人在青山短簿祠。我愛茗文工絕語。規撫何礙宋人詩。汪鈍翁  
南田三絕播英聲。八歲蓮花詠已成。試覽甌香酬倡集。悔教畫筆掩詩名。惺正叔  
蒲庵詩筆主生新。高誼還應東野隣。濁酒一杯琴一曲。吹臺風致想斯人。劉公戲  
冰雪聰明吳野人。性情流露見天真。布衣傳播詩名遠。不減前朝謝茂秦。吳賓賢  
門戶分來黨禍萌。健庵往事重心驚。當時只有韓元少。雅量曾無洛蜀名。韓慕廬  
敬業堂開著述新。鄭箋毛傳實功臣。文章鼓吹坡仙往。或許傳衣躡後塵。查初白  
別裁僞體頗芟除。晉楷唐臨勤獵漁。前有阮亭後確士。工於持論兩尙書。沈歸愚  
八扇天門詆蕩開。子才自是出羣才。微嫌格調多空滑。風氣靡然孰挽回。袁隨園

泛元武湖

臨桂龍繼棟松岑

元武湖圓浪不起。原是六朝鏡。匳子香闌萬頃迷故宮。翠激千年蝕廢壘。谿山宴坐閱興亡。人世營騰失綱紀。蟹觸未了左角戰。滄桑閒譜後湖史。吳婦化甌。誠荒唐。宋主見龍亦諛鄙。祥異平生拒不道。成敗悠忽略可指。引流纔建昭明宅。築隄復壅北山水。昆明誰詔。軸艫盛。雞埭孰將繡襦修。孫營馬禪未渠央。劉躡蕭興會幾祀。頗憶趙家丁。謂與王安石疏湖。涸湖皆可喜。蒲魚固可利及民。稷黍尤宜穀我士。方今大府舉百廢。水利早亦籌至此。我來恨遲三百年。書庫荒榛失舊址。他日異學定方駕。此時儒籍宜廣庠。古懷漾漾淮水長。今思茫茫蔣山紫。座中同是蒿目人。暫解煩瑣就芳沚。荷花世界原清涼。爾日炎蒸類城市。惟思短櫂泛明瑟。強對嘉穀惜多旨。主人蜀粵兩才賢。幕府紅蓮麗莫比。肯來邨郭賞荷芰。爲讌京朋薦蘭芷。勝游回首迹已陳。甘澤沃胸快無似。爲君追唱後湖曲。夢落蓮舟冷香裏。

東庵小蓬萊閣

彭兆琮

靜趣隨物寓。意適偶得之。於心具仙理。蓬萊非所奇。晚風吹精藍。幽閣飛參差。叩關欲忘言。老僧驚然疑。空堂淨如水。跣趺亦聊宜。上指凌霄臺。謂可窮根維。顧向老僧語。子稱非我期。萬事履之難。未及心已知。曷證外物游。無取局中訾。請作平等觀。累崇信由庠。極嶽難爲山。觀海難爲池。自大視細盡。又奚以此爲。境況貴有餘。喜埃更一時。嘿嘿僧水麈。懸解甯我欺。徘徊出寺看。曠宇神潛移。激潭映疏柳。新月生半規。蓮陂夜氣清。香遠來何遲。縱取浩不竭。卽景良若斯。微涼襲輕裾。復路仍攢追。煙際一回首。餘鐘殷相隨。樂興接今昔。僧當知爲誰。



西湖雜詩

鄭孝胥

微雨灑復止。春山人獨行。西湖知不遠。照眼小桃明。  
湖心風乍起。雲影暗雷峯。但覺波光白。不知煙翠濃。  
湖波太嬌軟。畫船殊難載。最宜拏小艇。盡領煙水態。  
諸峯競弄影。湖水與搖曳。不用借樓臺。爲渠作莊麗。  
歡情酒維持。好景詩記錄。吳儂生湖山。此語差不俗。  
樓外樓有餘韻。聯句曰。好景盡將詩記錄。歡情須用酒維持。

名勝多難復。風流不可攀。蒼涼莫懷古。祠廟滿吳山。  
海氛傳聞惡。閩浙防有變。朝旨起尙書。昨日湖上宴。  
二月廿八日。邊制軍游西湖。

二月向杭州。何人見獨游。猶能輕世事。日日醉湖樓。  
春暖桃柳新。六橋多士女。只愁風雨來。路長奈何許。  
漸與諸峯熟。又憐湖水妍。湖山豈知我。欲去莫流連。

赴台灣不果江永舟中示顧子朋

世事短人氣。山居昌我詩。願君助張目。莫復託微詞。

書檀弟扇

我生實不辰。降志而辱身。如今好相戒。莫作采薇人。

二兄久食貧。被酒語跌宕。門戶要人興。兩弟齒俱壯。

暮霞

祗疑日已落。黯黯頽雲翳。百里俄極明。金銀耀天際。  
雨氣漫不收。斜照忽相逼。愛此帶雨林。臨流弄奇色。

吳氏草堂夜坐示張季直

一聽秋堂雨。知君病漸蘇。欲論十年事。庭樹已模糊。

晚登吳園小臺

衆喧不妨寂。獨往偶成遊。閱世人將老。登臺月已秋。蒲荷叢暮氣。星宿沸清流。何事單衣客。悲歌起飯牛。

遊石觀音寺登周處讀書臺

秋原風日照眼明。北城熟遊思南城。遙憐古寺媚平楚。入門忽對幽崢嶸。高臺望望悄然下。雙梧蕭蕭嘯  
檐瓦。勞生折節空爾爲。太息當年讀書者。

送公度同年參贊隨使英法

長洲王頌蔚舊隱

廣南古奧區。魁奇所叢育。我友黃長容。負才尤絕俗。敏古得謨觴。討今圖幾服。十上不得志。神駒恥趨起。  
爰作汗漫游。西行指柳穀。在昔遼大石。曾收印都族。元祖見角端。亦著親征錄。兩朝逞兵棱。皆至海西曲。  
沈稿子何船號方聞。迄未定員幅。煩君亟考實。歸來共揚摧。大典圖書淵。漁獵資來學。歲久漸淪蕪。遲遲山

巖伏頗聞倫敦城。葦尚盈兩屋。願君勤搜訪。寄我采遺目。

大興今存翰林院者祇八百餘冊。傳聞英人購去諸博物院。

宣廟昔季年。海

氛始漸張。煙禁既大弛。三口爰通商。埔頭日以闢。遍地班蘭裳。邇來設海部。相率談自強。既購克虜磯。復

置毛瑟槍。我鋼鐵甲。糜千億佛郎。利器不善用。適以齎盜糧。金錢日外溢。卮漏未渠央。生民剝膏血。坐

是羸且羸。小犬驚執利。狗態而慙腸。器必尙服匿。食亦羅連漿。舌人語蘆解。箸論已汪洋。鄙衍書未讀。便

欲非三王。藉此弋聲譽。取爵如爛羊。可憐好家居。都被纖兒撞。望君作砥柱。努力事修攘。筦子權輕重。商

務此濫觴。墨子著經說。重學理以詳。禮失求諸野。師夷制夷長。

魏部陽語

要今重九譯。事我皇哉唐。

山長汪仲伊先生以北黔所產野朮黃精見餉賦此爲謝

袁昶

天都昨夜雲海涌。春湍出峽衝浮航。奔騰急漩竹箭駛。渾渾下注于湖塘。飲之含芝朮氣味。能起風痺壽

命長。

時山水

發廬仙乘古槎至。談經發匱三鱣堂。江汪講肄振墮緒。

慎修雙也。兩先生。

如雲出岫雨其鄉。鰕生得

從高正後。格岫草木迴清光。手持靈藥遠見餉。封裹烏獸形模強。丹沙泉灌百圃殖。老根陰覆三椹香。由

來神物麥穎茂。千二百歲青玉芒。軒皇金鼎餘瀝醉。日夜滋息靈苗秧。地仙肇獻山魘饗。出佐不死丹邱

方。譬如有道君子見。根葉花實皆可嘗。以調家國元氣苗。毋使野葛來相妨。黃山之高三萬仞。馬薊鹿竹

仙人糧。合成青黏漆葉散。液液春澤生金漿。劉涓葛稚蒸續曬。久服輕體凌風翔。先生內養資道勝。童顏

不藉服食詳。延年卻瘵起我饑。潤我葵萁彫枯腸。傳之天老九製法。功用妙抑陰扶陽。我慙智昏外臺祕。

素飽未採疲毗康。方今海寓苦軍旅。國論正賴醫師良。會收先生作獲朮。時捫肘後肱珠囊。刀圭出治萬

人疾。豈止賤子饕餘糧。詩成報謝無長物。惟願柳栗相扶將。南遊黃海探上藥。合丹以藥民如傷。

和前韻答

汪宗沂

自還韜廬七寒暑。隱閣蹤迹遠舟航。雌桑雄竹廣種植。護養根柢連陂塘。明知小草乏遠志。忘情歲月山中長。縹緲萬卷盈竹屋。芙蓉千本環草堂。靜修坐覺才氣斂。甘以拙守棲窮鄉。雙峰對峙辨黃海。雲門一線舒晨光。遨遊兩踐恣尋討。隨意下上逾樵強。蓮華溝徑風氣湧。懸巖太半聞朮香。顧之欲擷鄙可擷。丹砂點點分豪芒。烏銜飛子苗仙帶。老僧種薊如種秧。糖霜蒸曝融燥烈。服食足儷軒岐方。經行九口八十里。依類嚮販容頻嘗。旁攀山薑去鉤吻。區別嚴刻毋相妨。歸來循俗未辟穀。蒼萃杞菊充餼糧。何時卜居脫塵網。飢食黃獨渴飲漿。圖經繙編增閱歷。躡高直擬鸞翺翔。郭南使君筦轄近。疇曩文字勗勉詳。游宦未果橐筆返。特貽尺素辜熱腸。詩吟八景招我出。中江講肆熙春陽。綢繆廣廈多士庇。從容燕寢斯民康。叢殘編輯百無用。傳衍兵法蓄意良。爲言鈴機關道學。妙論直擬探青囊。生平濟世由默運。關市旦夕盈瓊糧。傾蓋贈言古所貴。迴勝方物承筐將。憑君普置南陵驛。從此逆旅無嗟傷。

九月初三夕招重黎節庵驥管卿於青溪小飲和節庵韻

嘉應黃遵憲公度

嫋嫋風波又此秋。青楓綠樹映淮流。疏篷剪燭情重話。長夏與雲閣節庵作吳船聽雨圖飲集於此短髮簪花老漸羞。杯影驚人傾海水。角聲催晚逼城樓。兼段別有姜姜恨。不向中央怨阻修。

原作

南海梁鼎芬節庵

天涯尙有此清秋。繾綣尊前共勝流。無念百年聊一樂。將銜微木有餘羞。明波渺渺還停棹。殘葉蕭蕭漸下樓。獨向芳洲紉蕙茝。歲華淹忽悵靈修。

溪橋宴集次公度韻

袁昶

已彫菡萏歇紅秋。爲喚鯨鯢漾碧流。香界衣雲吹不散。天邊眉月吐還羞。梁歌子夜鉤蟬曲。郢客才華白雪樓。酒被清愁摠無賴。長千秋禩漫重修。

和節庵

更無雕鶚擊高秋。金石波中詎肯流。且把芳樽澆礫硯。從擎碧椀列珍羞。歲星依隱三千牘。玉宇高寒十二樓。天闕遙看接銀漢。江湖難忘是靈修。

又上霽庵先生

京洛縉塵隔幾秋。丹邱柯老冠儒流。史才兼採蜂資蜜。經術潭思鳥養羞。賓攬東南多竹箭。雲浮西北有高樓。著書判解金龜去。一證黃梅面壁修。

陳蓮舫比部張丈廉侯沈親家師徐陳大令浥霏同登赭山塏院作

袁昶

勝游難得五人同。山靜雲閑曲逕通。各抱逸情娛遠目。恍邀象罔對鴻蒙。簪排楚岫浮天碧。檣映江楓背日紅。靈府豈隨陳迹腐。好留題字梵王宮。

和

沈惟賢

還期訪道上空同。天闕林巒盡處通。洗滌山容仗涪叟。懺除綺語豁吳蒙。東傾漲海浮杯白。西射餘霞卷幔紅。遠性不爲簪組束。何妨一宿祇陀宮。

青浦陳承澍題

登臨初地賞心同。峯起摩圍天眼通。寺裏鈔經覓驎士。江干梳髮逐龜蒙。石林磴道攢濃黛。茱菊籬門出小紅。領略煙雲含變態。全收清景法王宮。

再次前韻

沈惟賢

佳觀清景入辛同。興象鳶魚觸處通。斗絕丹崖瞻氣王。洞然石鏡謝塵蒙。屢攜家醞澆重碧。何必行廚挾小紅。竹月踢來金瓊碎。只疑身在廣寒宮。

師徐將之杭州示我注唐書西域傳藝即題其後送別

袁昶

重譯旁行孰與論。雪山雷轟好尋源。導來綠淨銀牛口。箋出金仙靈鷲門。才退輸君三十里。道西度我五千言。今歸石室烟霞去。一線天光手自捫。

又

建牙唐日吐蕃庭。料敵文饒善審形。丈室猶留元策笏。花天自散毗耶經。效忠悉怛今安在。此寓近事入定班禪已不靈。太息邊城思猛士。爲吾皇守八關局。

贈汪生德淵

袁昶

直簾出簾材。流波激石迴。每期離俗士。同上讀書臺。授簡詞能對。羞爲壯始哈。刮磨求致用。世難正雲雷。

敬和

歙縣汪德淵允中

廣廈亟成材。中江砥柱迴。新開四阿閣。累作九層臺。欲洗儒家恥。何嫌俗士哈。講堂方日闢。結社似宗雷。





# 曲

舞雩風 雲閒湛子剛先生傳本

楔子

自古道。有緣千里來相會。無緣對面不相逢。今日天氣晴和。機緣湊泊。永福庵頭。預修春禊。流杯亭上。畢集高賢。座無絲竹。何以娛賓。不免仿楊升庵彈詞。胡亂謔一個新曲兒。以發諸公一笑。倘共浮一大白。亦是三生有幸也。

生儒衣僧帽道人襪上。

歲月堂堂去奈何。黃雞白日儘消磨。青蕩笠。綠烟簑。不見神仙點化麼。

大兒學問止論語半部。但繙開第六章。便是那神人點化的勾當了。

手拍檀板。淺斟高唱介。

你看那杏壇上。坐了一位曾鬍子。彈一曲百年歌。意下如何。放了雲和笑呵呵。起來站著。顧影婆娑。開言道。這人閒的榮華富貴。猶如一場春夢婆。軟紅塵裏幾抖擻。黃梁枕上儘消磨。不如俺老頭兒。喫幾個羊棗。賽似綠橙糕。壓茅柴。瓦叵羅。唱道情發個科。

三位大夫老官請了。  
內應介老髯請了。

有何見教。

生唱介。

一個是雄糾糾猛將軍。登壇高坐。無糧沒草硬要定干戈。一個是簇新新縣太爺。勸耕道左。俵分著衆百

姓硬麪餠餠。一個是文縐縐贊禮郎。烏紗帽。步上金鋪。驚黃腰帶粉朝韉。原不是假仁假義。卻費盡心機。無數滿張羅。俺老曾呵。都不消恁地遇事好生波。常言道。熏天勢。燄今安在。疊疊一片土。饅頭。華屋邱山。容易改。秋霜明鏡。換青蛾。那三萬六千場。好比似電光石火。彈指頃刻。那過切莫教花花世界。塵塵瑣瑣。著些子損天和。

內傳論介。各人說各人心坎裏話。亦有妨那房坐下。生拂袖散步。徐行唱介。列位老官聽者。

俺不用螭頭官舸。俺不用珠花兩朵。俺不用三眼翎挖。俺不用鯖似五侯多。摔碎白玉盤。踢開金叵羅。只消揀個陽春佳日。風物晴和。嬉水曲度山阿。百錢閑挂杖頭呵。毛底鞦兒。腳踏青莎。繭紬衫子。色似殘荷。拉他十一個朋和友。隨喜吟哦。跟著那十三個兒童們。唱踏踏歌。流年一春樹。紅顏一擲梭。那上流頭。離麼澡盆仗著西流水。是那壘土而成的。不樹下風涼抱犢過。看看紅日漸西趨。大家吹面受風和。唱一闌。歸去來詞。弗和哥。何消說上鑾坡。響青珂。碰那瘟官的釘子著了魔。撒下底庾公塵。一陣陣弄風波。俺這裏逍遙自在。隨意婆婆。一任他春來春去。花開花妥。俺摸著老頭皮。沒些子消磨。咳呵。你這這便是人生的安樂窩。

雲間湛思齋先生評

近於丹霞阿佛罵祖。擗撻經典。礪而無節。不可爲訓。速速然此墓。太上老君急急如律令。

蘭筍山樵評

魯論此一節。何氏集解引周生烈注云。善點獨知時。此一語最爲得解。言簡而義甚深。蓋以時方九流溷濁。雅道陵遲。正宜退處田里。自尋樂趣。不當浪出。鋪糟啜醢。現前風景。滿腔子生意。胸次浩然。默契予聖素王之旨。感觸在此。彈詞竊取古注之義。善諧謔而不虐。殆非漫然弄筆也。質之老滿。以爲然否。

茗溪漁隱評

王內史蘭亭集詩云。詠彼舞雩。異世同流。迺攜齊契。散懷一邱。彼直寄焉。以爲不知己者。詬病耳。作者蟬衍宗風。殆寓興於此。



# 于湖題襟集

## 施均父詩一卷

別戴園癸酉

去年戴園除莽蕪。分花種竹親攜鉏。今年戴園春事好。新竹抽筍花承跗。春風駘蕩弄晴色。時有蜂蝶來嬉娛。幽亭曲榭坐吟賞。吾樂亦與蜂蝶俱。明年戴園屬誰氏。糞溉肯及根株無。花竹無心媚晨夕。於人於鳥久習應知余。三千里外明月夜。清夢或到園中廬。

哭六兄元通

草木皆緣地。人生未有根。命衰才亦退。形去想猶存。太息通魂夢。依然戀子孫。家門零落盡。已矣我何言。

別仲脩

別席回尊勸譚子。風塵捧檄亦堪哀。平生看盡魚龍戲。垂老登場試一回。

別爽秋

絕好溪山等未歸。東勞西燕又分飛。長安自古塵如海。衆裏回身惜素衣。

過華陰禱於嶽廟

太華雄秀咸陽東。芙蓉十丈開秋風。噓雲吹雨出靈異。父老往往嗟神功。西方作鎮有專職。祭秩自昔從三公。陰森祠宇傍巖壑。參天檜柏青濛濛。是時正值雲釀雨。蒼莽不見東南峯。道人僂僂肅遠客。自開前殿撞清鐘。升階伏地事祈禱。我意亦復嚴且恭。衛公慷慨古才傑。欲借雷雨隨飛龍。傲然干請神勿怒。僕射恍惚呼青空。我今四十行老矣。素髮繞鬢如霜蓬。短衣匹馬赴邊塞。意氣猶可千夫雄。尋常富貴不挂眼。磊落兵甲曾藏胸。王侯將相苟可致。迴戈驅日當再中。不然得失輕雞蟲。賣瓜種菜甘長終。手持杯琖試一擲。精誠耿耿神靈通。長風忽掃煙翠封。倚天矯矯青夫容。神靈見睨良已豐。我詩亦效昌黎翁。

一繫亭卽樣亭

潛虬樂幽窟。適與雷雨期。孔明出師表。不忘隆中時。耕耘食其力。吾道誠如斯。飢溺視未忍。出以身救之。我公昔未遇。假蹇湘之涓。東臯日辛苦。志飽妻孥飢。紛紜羣盜亂。感激先皇知。赫然起閭巷。手正神器鼓。征誅十餘載。秉鉞天西陲。珪組聖主恩。畎畝微臣思。空亭擬浮槎。澄波想漣瀾。洞庭八月晚。獨泛秋月歸。牛今日努力。我惜加鞭笞。婉婉此織女。夜理機中絲。馳驅失農業。刻斲勞人爲。公餘偶宴息。悵惘鄉園違。舉杯自斟酌。高詠杜陵詩。

節園種菜

健兒好身手。捕寇如捕鼠。寇平歌謳歸。不耐灌園苦。湘陰老耕夫。功名抗伊呂。河隴春風生。種菜開後圃。熊羆聽指揮。一笑皆亞旅。種子分布地。名類粲能數。僇僇東西阡。楚語相爾汝。曖曖初升日。微微夜來雨。

潤氣暗鬱蒸。嫩甲坼新土。勿嫌螢糞穢。精華出臭腐。十日登春槃。午餐佐梁黍。念此精力勞。薄物惜多取。嗟哉種菜勤。未相雜斯斧。愿樸餘農心。誰復矜強武。瞋目而語難。時清招網罟。還家脫兜鍪。冀可從田父。

陪湘陰相公游池上

清氣集池上。隨坐心湛然。衣裾映寒碧。如對空山泉。澄瑩乃水性。河濁非其天。泥沙巧滲漉。人事良有權。汨汨出城下。溶溶過林閒。委蛇赴三池。滄溜無回旋。離垢識淨理。涵虛生靜緣。輕風蕩文漪。空明含至妍。幽芳懷夕凋。初花表晨鮮。池底見雲鳥。形影相與閒。尺波論萬里。浩浩疑目前。激揚猶有人。視此清且漣。

薩依里克題壁

馬頭喜見月灣環。好與征人共入關。野闊天長微著樹。河斜烟曉遠浮山。功名已誤蟬雙鬢。文字空留豹一斑。試憶苕谿最深處。沙鷗水鴨不勝閒。

古浪峽

東下八千里。長行沙石閒。驚心到黃葉。照眼忽青山。寒外山多枯瘠至此始青岸束飛流湧。崖傾細路攀。人家在林際。雞犬自安閒。

重過六盤山

自我游崑崙。眼界始一放。歸登六盤山。氣勢猶雄壯。大力足包裹。矗立絕依傍。道行旋螺中。身出飛鳥上。積風聲浩浩。萬壑皆東向。河隴秋氣高。蕭森不可狀。千里連終南。蒼然遠相望。輕雲籠曉日。光景久摩盪。

金烏忽踴躍。崖谷皆清亮。立馬重徘徊。天宇極寥曠。嗟哉好水戰。往事增悽愴。區區葛懷敏。甯足當大將。軍中有一韓。此語抑何妄。元昊狂小子。曾未遭大創。翻因節制達。遂致師徒喪。瓦亭隔烽烟。白骨無人葬。戎人好變亂。天性亦俗尙。竭來回紇反。慘痛民未忘。乞降暫思息。貌誠心自詭。兵力安可虛。吏治更宜仗。憑高念今古。欲語知誰諒。川原莽回互。執策空惆悵。

除夕行次蒲州作

三首  
錄一

曉渡黃河雪滿船。晚依蒲坂度殘年。遊山作記徐霞客。把酒澆詩賈浪仙。小隊弓刀迎塞上。故園兒女憶燈前。興來爲寫宜春帖。吉語應先捷奏傳。

詠史

當國誠難退更難。中書咄咄伴堂餐。清名頗亦推楊綰。大事何堪作呂端。橫海功虛緣算少。和戎策好恐盟寒。年來少府金錢盡。贏得中宵仰屋歎。卷甲東西百戰來。虛聲猶動馬躑雷。出師有表孤忠見。塹海無功暮氣催。德遠一生多嘆語。子儀諸子況凡才。敵人要問橫磨劍。晚作黔驢亦可哀。今代麒麟第一功。廿年持節見威風。忍觀世事如棋局。肯爲人才備藥籠。和議每寬長腳相。令名期保黑頭公。但書紙尾隨千木。卻與賢侯畫諾同。理財未免師安石。命將如何薦化貞。終爲給軍心慘澹。屢爭款敵氣崢嶸。才名正恐高爲累。經濟



更成。安得中書參政事。握蛇騎虎佐彭城。  
上書言事意徘徊。今日城門訣蕩開。反汗難求哀痛詔。澆愁頻舉聖賢杯。豈無空谷容逃遯。從此狂瀾失挽回。仰屋老臣誰告訴。明朝知有諫章來。

感事三首視愛伯錄一

尻高首下吏無能。戎幕年年白髮增。吾輩拙於藏霧豹。故人清似看雲僧。謂愛伯同年恥謀生產猶朝氣。解賦

題重黎一鉢集

雙槐交戶夕陽綠。臥讀漸西村叟詩。功名穴蠅夢復夢。文字箔蠶絲引絲。一瓶一鉢覺來好。某水某山歸去遲。清風灑然庭宇淨。起看山樵花滿枝。

答重黎

有形何處可逃役。貴賤營營同百年。萬事浮雲聊閱世。一心止水卽通禪。彭觴易盡我長在。茶齋無窮天自全。空堂偶作蒙駝坐。鳥語花開誰使然。

乙酉九日子培愛伯重黎邀同游崇效寺送王逸吾祭酒督學江蘇余以事未赴作詩道意

曹郎有嘉招。蕭寺作重九。閒居愛其名。矧此初晴後。霜飈拭天鏡。纖翳清不受。西山瘦露骨。蒼碧架窗牖。茗香延客語。菊澹與僧守。長吟登高詩。滿引送行酒。野謀供邑獫。古義貯今剖。愴悽歷物變。諧笑遂情厚。

文星照吳分。東去觀虎阜。太湖三萬頃。濤浪落公手。甄庸期捷化。拔雋矜創有。訪逸先刳心。留歡頻被肘。林喧風起良。賓散日加酉。走也官事牽。良會成孤負。低頭治文書。閉置如新婦。幽尋阻飢目。快論扼餓口。還遭孟嘉笑。徒爾參軍久。憑臨嘲落帽。猶老一翹首。

乘舟再赴利津

騎馬昨觀河。踏冰不踏浪。換船二月中。頓駭波瀾壯。水紆布帆卸。飯熟沙洲傍。夜纜足春雨。曉榜驗新漲。滄溟赤日躍。天地開清亮。犇騰大溜掀。空闊中流放。河自決銅瓦。未免逆行淦。并兼汶與濟。挾走力難抗。如舍廣衢游。聯隊入狹巷。初猶舉窪樽。注酒多無妨。繼乃設仰盂。稍滿溢其量。迴流萬夫怒。處處潰隄障。沿河一千里。村落鬱相望。比來半淹沒。災禍真無妄。流尸若萍泛。魚腹不勝葬。堯憂警未梓。鯀堙禍益釀。或曰水宜束。或曰地當讓。或曰挽之南。故道容游漾。或曰道九河。禹跡近可訪。虛衷聽羣言。冀命求一當。乘槎遣天使。自下方上上。因復章邱決。迴舟覽情狀。悲哉溝中瘠。流涕忍相向。便宜倘發棠。安置或遷絳。羣言誠可采。尤在尾間暢。圖海功合施。掘地事非創。忠臣王尊勇。揖客汲黯戇。帝咨與民溺。對食心悽愴。日斜風更順。篷腳正搖颺。欹枕聽榜師。舵樓發高唱。

張秋周文忠故宅

昔習遷固書。頗恠傳酷吏。郅都一蒼鷹。搏擊以爲治。猛政出公廉。單于猶見忌。國僑尙火烈。豈曰非遺惠。京兆稱趙張。王霸終不濟。寬猛皆愛民。旋設視其地。佛相變夜叉。實用慈悲意。桓桓周文忠。官績殊峻厲。

起家令牧中。顛躓仍高位。奮髯朱子元。嫉惡如風利。江淮多盜巢。探丸爲常事。吏儒互諱匿。日久不可制。居民唯目憚。行旅尤心悸。有時遭魚肉。隱忍誰敢議。公執惡少年。一一按名字。斃之棗木杖。流血波濤沸。輕者入牢獄。琅璫終歲繫。略如嚴延年。巨穴長幽閉。家家安枕臥。父老言垂涕。鄰封幾豪暴。搖手走相避。囊無百金資。刻苦老自勵。嚴能拒關節。勇不畏權勢。彈劾滿朝端。孤忠感先帝。上殿陳懇言。往往天顏霽。衰晚仗威名。屢作三軍帥。討賊雖無功。厲鬼還自誓。身歿廿餘年。故宅已荒廢。諸孫嬾讀書。遺烈漸零替。張湯七葉貂。熟謂多殺致。世無威鳳皇。剛蟲抑其次。騎馬過門閭。思賢發深喟。

登濟甯太白酒樓

山不必敬亭橫。水不必宛谿繞。南北崢嶸兩酒樓。任城也似宣城好。龍鍾賀蘭翁。旗亭充酒保。李白來飲之。醉作如山倒。千載因傳賀李名。樓頭風月乾坤少。四明狂客令任城。向壁何人語虛造。長安市上醉眠時。兩賢一笑初相知。宜春苑裏薦供奉。訶斥力士如小兒。季真太白皆仙侶。要借風流耀邦土。猶勝南池杜少陵。佳句唯酬許主簿。兩賢鴻冥千百秋。泥上指爪何拘留。即將太白誤作賀。亦如呼馬旋呼牛。人間何處無酒樓。酒樓各有賢豪遊。生前賓客春雲稠。死後才名逝水流。王侯將相貉一邱。長繩難繫姓氏留。仙人逸氣橫六合。勝地酣情付一漚。後人好事仙人笑。茲樓興廢雲悠悠。我來獨坐樓上頭。了了齊魯蒼煙收。新詩還堪庾開府。並世卻遇韓荊州。謂朗齋中丞青大白日騎鯨至。萬一憑軒共獻酬。

觀孔道輔擊蛇笏

她有神託眞武。她無神逢道輔。州將鞠躬諸吏俯。起而擊之推官怒。嗚呼此笏利於斧。一她之妖安足數。滿堂駭汗流如雨。君不見羅崇勳穴社鼠曹。利用負嵎虎。彈劾二奸猶二豎。她有何靈敢予拒。七百餘年血濡縷。木質堅完永不腐。傳之子孫藏之府。犬孽狐祥孰輕侮。

致疑一首

若谿先生方任運。桐鄉孤士來致疑。莊生誠譏物於物。崩通要識時乎時。潛虬張鱗海水立。病鶴刷羽天風隨。眼花頭白乏歸計。事機一去君胡爲。

韓退之感春詩有我恨不如江頭人一篇今仿爲之

我恨不如鄉曲老。布衣粗食纔飽。婦姑養蠶男種田。家事經營恃翁媼。官租已納私債償。伸脚夜眠到天曉。春秋作社齒最尊。鄰里生兒手親抱。機心不設長渾沌。禮數相寬任顛倒。場來俯仰喪吾眞。天全祇有爲農好。我恨不如賈人子。快馬輕車朝入市。十萬黃標百紫標。居貨如山須價美。胡商交易語溫暱。禮拜爲期貨爲抵。聲勢關連市舶司。豪華傳播新聞紙。吹彈絕技蓄妖姬。文墨虛名篆才士。白頭歎息府中趨。多錢何用求從仕。我恨不如大和尚。名山一席誰能抗。眼明勘破摩登伽。手辣掀翻祕密藏。啞羊墮龍何紛紛。地獄隨時談變相。夜半傳衣忽有人。本來無物心何障。喬木參天不礙雲。澄潭澈底甯生浪。世途偏仄客懷悲。默坐觀空思一放。

河神多著靈異。栗恭勤公其一也。載在祀典。信不可誣。利津冬月築隄。恭勤陟降。作此詩以禱之。

神龍修變化。何必不蛇形。神人遞隱見。何必不龍名。生爲人中龍。力捍黃河平。歿爲龍中人。風濤驅百靈。恭勤靳張後。灑澹功有成。拋磚出新法。足闢千雷霆。百年績未遠。弭節時巡行。左揖金華朱。右挈湘潭陳。正氣扶本朝。現身如使星。父老相識熟。能說公性情。千畝萬鍾閒。簫管常送迎。冰天興此役。事苦任匪輕。公來相哀憐。豈曰通精誠。願助築隄障。堅若十仞城。渤海萬赤子。永免魚頭生。晴日手足暖。來往騰歡聲。華也未足顧。公念飢疲民。

奉檄修培利津隄工作

洗腳黃河發源處。坐觀萬派東流去。東流北折涌泥沙。勢吞齊魯波濤怒。誰施大手決尾閭。鐵門開闢容犇注。吁嗟下策事隄防。畚鍤如雲勞指付。騎馬出門風獵獵。高樹空枝鳴敗葉。修隄卻似龍蜿蜒。倔強泥沙脫鱗鬣。千夫百夫兒郎偉。東西舂土聲相接。小臣敢上治河書。但效司城扶徒卒。修隄一潰巨溜趨。鹽河水深尺有餘。小船來往但輕載。大船動作陷淖車。百丈邪許十夫力。逆風萬竅還號呼。三里五里日已墮。嚴程安得徵官符。西村東村窮獨叟。短布單衣露兩肘。日出負土日入休。無樂能令不龜手。西風蕭蕭狐腋薄。往來杖筇沿隄走。歸思下戶缺糟糠。圍墻忍縱亡何酒。



# 于湖題襟集

## 梁節庵詩一卷 陳伯嚴吏部評

訪潘孺老雷瓊館有贈

雪殘萬念入支頤。羈羽沈鱗共一時。瘦固勝肥誰則覺。生何如死世還疑。棋當危局須心力。花到良辰已鬢絲。每恨古人吾不見。埽除獨見閉門時。起結皆超爽。棋當句稍淺。

游龍文故園追悼遂與表弟鳳鑣別

鹿已添雛竹有孫。再經華屋愴生存。清光猶見當年月。芳意曾題半畝園。遺器東廂吾忍覲。明珠南越世方喧。射雕身手湮沈早。不縛天驕大此門。聲情。蘇鬱。

蒼莽兵塵一局棋。淒涼舊館兩孤兒。剖肝自見原非福。唾面能乾恐太卑。風雨獨存蘭杜性。江湖多負鳳鸞期。短衣犯雪明朝別。不到津橋聽子規。

秋懷

羈情了無泊。拋去又相尋。聞雁知兵氣。看花長道心。百年紅燭短。一水夕陽深。獨有雙龍劍。時時壁上吟。聞雁句有不可名言之妙。此吾論詩宗旨也。世士必譏之。

洗肝亭雜詩四首

說食與夢飽。厥後同一無。何以口腹事。可縛人閒姝。吾神貴自然。潛乃達之徒。願拂衣上塵。回念心地初。  
淵慮瑩然。上與道契。

意質非神仙。勇退亦可敬。誰謂養生言。世網不全命。歷塊易一蹶。萬里我不慶。深深隱淪者。天下以爲陋。  
千齡一日積。此日誠艱哉。觴急可以緩。花落還當開。獨出萬物表。心光自然回。粲然若有識。一點靈犀胎。  
燒香香已寂。意銷吾如何。名迹械衆生。要與湔沈疴。美人寧不得。隔此一片波。江海日以遠。霜露日以多。  
行舟寄慶筌。

昨別百千語。初醺三兩杯。中流羣所攝。大化縱能回。擾擾世閒事。輕輕塘外雷。夜涼知有雨。書館失追陪。  
與象不凡。

龍王廟問朱君一新疾二首

古槐一兩樹。鍵戶臥經時。秋蟬多垂翅。寒蟲不吐絲。藥乾僧代揀。衣少僕能知。勿以幽憂極。遭逢有國醫。  
陳提刑丈居山下日過診視。

陽窮斯悔吝。身遠更冥沈。山氣銛人骨。簾衣限樹陰。芳蘭託空谷。落日散疏林。相悅寂寥境。聞鐘何處音。  
幽思冷意。非人知。

同孺老北郭游園歸

昔年荒草尚畦塍。人漸安閒衆力興。已見屋廬還舊日。欲尋花藥共良朋。園丁未服生疏鶴。春色猶妍老



大藤看畫簷茶無一事。窗簾風細又飄鈴。味趣閒雋圖  
丁句稍淡

許先生景澄王詠霓繆荃孫樊增祥同登多景樓

昔年一到此。破檻已爲薪。漠漠雲中樹。厭厭泉下人。幽懷塵作字。凍面酒成春。不用談興廢。閒游孰可頻。  
沈渾不辨其爲  
千鍾萬鍾也

燕

春雨已如此。營巢猶自前。人天通窈窕。物我共安便。性慧能知候。機妄漸入禪。涼秋歸日準。送汝忽年年。  
此非杜少陵舟中燕子也  
妙悟從天然難索解人矣

雲帆方丈出示宗室竹坡侍郎所遺帶時侍郎新逝感悼書此

蘇公留帶偶然耳。後者文襄楊公一清。今竹坡事過百年人始貴。我無一物意還多。較量興趣難慳句。想象神儀各有科。心斷蘭叢霜一霎。閒堂獨在夜如何。異心蕊荷下  
句遂不猶人

同龍二表弟登北固山

天風吹人危。欺我雙病腳。空懷秦漢君。幸解顓頊瘡。昔賢富佳致。其子更搜掠。佛座冷苔衣。春巖春蘭薄。  
蔡謨謝安皆雲霄。楊岳彭玉聲亦祠閣。峻壁江更深。解維水初落。體聚  
氣斂

入廬山

我生久行役。入山苦不早。身帶靈寶符。雞犬自牽抱。清風散陰氣。日出安用禱。五老如故人。依稀夢中道。

清風句非  
常心所出

山行得二絕句

微軀天意早安排。豈有彭殤攪我懷。  
劇得伏苓無所用。山僧留與餉清齋。  
超語似蘇髯

砌瓦依山結小亭。流泉終古響泠泠。  
強標弟六嫌無謂。優劣隨人各自聽。

竹林寺

日出接清氣。竹風微送予。  
青鴛辭世早。王半山竹林寺詩  
青鴛幾世辭。爾若白鶴與人疏。  
客病能危坐。僧閒補壞書。  
已知斷常見。不限孝然廬。  
起句神思超微

獨遊甘露寺

鐵塔燒殘已不成。寒鴉古徑少人行。  
憑高望海天方大。傷遠思鄉歲又更。  
壁上久無靈運畫。山前誰見贊皇名。  
講花飄雨僧同盡。坐聽風回浪打聲。  
神致無極

寄題簡竹居讀書堂

腹中萬卷可支餓。世上點塵不到門。  
至念陳康樹祖天下士。一嗟無命一分源。  
學黃有老氣更有作意  
迎陽故作軒窗敞。耐冷還依水石嚴。  
今日承平無個事。乾龍不必問飛潛。  
高密通儒經傳熟。濂溪老人風月溫。  
諸子紛囂無用處。始知南海此堂尊。  
多種竹松扶士氣。閒論禾稼識農功。  
旁人莫笑先生隱。儒者勳名本不同。

別來滄海還多夢。老去茆庵尙未成。絕羨武夷精舍好。談經何日罄微誠。謠微語稍常擬易作送孤何如

### 得伯嚴書

千年浩不屬。君乃沈痛之。神思可到處。繾綣通其詞。窮山何所樂。予心忽然疑。試君置我處。魂夢當自知。把書圖且開。情語生微瀾。出見東流水。湯湯將待誰。浩瀾沈冥古之所謂無端倪之辭者與

### 寄懷香聰

仲車別我一秋餘。破帽欣然返故居。畫紙老妻教對局。扶牀小女學翻書。自烹寒菜難逢客。偶過前村不待驢。葦管瓦池貧亦好。世閒何者可能如。澹泊以明德詩懷似之

### 題瞿鹽法廷韶快園圖

舅氏後先登玉堂。謂闕軒五舅也兄取二士瞿與張。君與幼樵學士同庚

居洞房。君家忠宣我所敬。皦皦大節垂吾鄉。小東皋宅委荒梗。遺書經亂復散亡。賢孫香緝官舍暇。遺烈

往往吹園芳。園中何有有圖史。亦有翠柏三兩行。廡回楯接最妍穩。鶯初雁晚都閒長。爭墩君笑荆公拗。題開我步涪翁狂。紛紛畫史所不到。酒酣弄筆驚何郎。維高樓花氣團尺地。落霞江影明千巖。平生浩蕩

白鷗意。不覺魂夢飄湖湘。外家松廬早太息。況有玉樹埋雙雙。士信知已無不報。成材要到樅枿強。秦青

已去曲不去。歸語鄭子談經窗。題齊十六舅所取士今同作十桂堂客

### 贈別顧印伯

相逢未穩復西東。草草杯盤酒面紅。雨雪梅花正月尾。離牆茶夢一星終。良才肯信長無謂。妙論依然屢不窮。此去金臺鶯燕節。芳菲零亂句難工。

甲午正月二十五日江行

春波綠始柔。素雪吹參差。相攜有同心。泛舟因所奇。隨風夜潛移。轆屋朝漸垂。壯觀江路闊。心領目已移。萬物役於形。既往方自知。消搖一百里。勞者今在斯。歡持一觴酒。何必歎臨歧。叔蟠季約赴試同行

黃州二首

積雪晴更皓。春曉過黃州。野梅香不滿。隴麥青已抽。蘇公神仙人。題詩上山樓。天地著一我。浩蕩輕百憂。當時聊且適。後世不可求。運命亦須順。欣慨余何稠。

枻生追昔遊。偕客衝雨至。去秋八月伯嚴叔蟠靜山穰卿社者來游楊惺無鄰蘇園余以病未至言訪臨皋亭。遂啓鄰蘇筍。沙柳去時枯。今見條已膩。日月如白駒。人生貴適意。獨懷雪堂上。英光久埋地。刷涕望西山。撫衷有深志。

花朝泛甘棠湖遂登煙水亭

雪後微添水。春中尚衣裘。衝船雙鷺去。列岫一亭收。細雨青苔意。他鄉翠柳愁。江湖應有屬。隨事又淹留。

攜酒菱湖亭上

二月春風陌上閒。飄零尊酒又看山。聞鶯未識誰家柳。臨水難回少日顏。寄傲羲皇陶令醉。許身稷契杜陵孱。古人志想無尋處。空有遺文落世閒。格趣獨出

幽雋之氣逼人。緯以超澹之趣。精闢之理。是不縛於古人句律。能躍起紙上。又能入木三寸。留爪痕者。此真狂狷詩也。他人詩盡睡倒紙上。剽而不留。縱令撫範漢京六朝。侈言得法杜派三祖。皆霸上棘門軍耳。皮膚剝落盡。中有真實在。願舉此一卷爲法式。以淘洗古今鄉愿詩之病。甲午十月重黎識。竊異峻潔。於屈翁山鄺湛若黎二樵三家外。別出性靈手眼。世士讀徹丹經萬卷。求換凡骨。不得一句一字之力。斯人乃於文字意言之表得之。故知得道當須慧業。陳吏部之評勘。亦有知微如諫之妙。



# 于湖題襟集

## 王六潭詩一卷 皆甲午秋新安道中記行之作

### 題方滌簪大令清水歸舟圖

龍眠山下藥苗肥。羨爾投簪早息機。海內文章推正軌。桐城家學有傳衣。出山久矣孤雲懶。一棹曾隨片月歸。肯忘樊陂諸父老。攀轅情話故依依。

### 渡江至黃湓

清晨發征櫂。遙指鳳皇磯。湓浦黃蘆長。江干白鳥飛。川途方緬邈。海客自忘機。卻擬高秋鶚。應慚力少微。

### 貴池道中懷弢夫

觸暑遠行役。懷君倍悄然。晚晴喧野雀。高樹亂鳴蟬。名鞅勞塵縛。吾生貴瓦全。相思一江水。已隔萬重煙。

### 過大約小約嶺

浮雲送飛鳥。客子行與偕。出嶺復入嶺。陟降力不辭。下山循澗趾。上山攀厓陴。危亭小憩足。我僕云已疲。道旁有古碑。披薜玩其詞。中言嶺路隘。脩葺良不貲。樵薪後可往。藝黍厲禁垂。所以防冲壓。此意應匪欺。概想宇宙閒。江河成漏卮。厥病在開種。沙石漸壅之。誰歟繼疏淪。永禁民畬菑。山中有嘉木。植產勝秉遺。防民甚防川。願告良有司。

釣魚亭

早行白山渡，午過釣魚臺。赤鯉有時出，仙人胡未來。旋溪滴風翠，片石長莓苔。欲問陵陽迹，乘槎自溯洄。

連溪喜雨

一雨驅驕暑，應知造化功。溪流喧急響，山色入冥濛。芳樹交新沐，良苗暢晚風。三農方待澤，憂樂此心同。

過大洪嶺

南去大洪嶺，崔巍孰與鄰。高峯方插漢，入地已無垠。客路難於蜀，雄關壯似秦。當時曾相駐，守險豈無人。

雙溪

漸入林垌勝，隨山綠到門。樓臺多近水，松柏自成村。遺獻懷雍錄，心期飲浙源。晚逢樵子返，爭渡且無喧。

魚亭鎮

晨過榔木嶺，五里卽魚亭。山落齊雲翠，天連宿鸞青。鄉村成小市，帆影出前汀。一識琴中意，樵歌亦可聽。

蓮花塘

山居亦有水雲鄉，乍見紅蓮挹露香。曾是永嘉賢太守，好留遺愛在甘棠。

明溫州守吳瓊故宅正臨塘際

休甯贈何潤生明府

才從皖水送微波，又向休陽繞策過。薄宦風塵同自笑，彭殤齊物近如何。

君新喪子

山分白岳奇峯出，江入新安淺瀨多。莫漫天都誇吏隱，定聞下邑有絃歌。

新安江有三百六十瀨



望松蘿山

朝陽出東嶺。雲峯遠先見。香林散宿霧。嵐翠互蔥蒨。懸崖態百重。列岫影千變。遐想松蘿菴。茶香滿空院。半亭疊前韻。

十里休甯縣。句留此半亭。波光連嶂白。山影入溪青。鍊心餘片石。歸鷺浴迴汀。欲話前朝事。淒涼不忍聽。  
有懷正  
希先生

游小南海

沿溪理芳楫。遙見青芙蓉。中流漾孤峙。煙樹何蔥蘢。招提據上方。拾級躋蒙茸。快閣俯登覽。羅列朝衆峯。恍若南海外。普陀安毒龍。僧言斯應山。滅度留真容。金身永億劫。瞻仰開羣蒙。諸色本無色。裝塑毋乃惜。曷不付茶毗。拾取舍利重。啜茗敦禪悅。迴舟嵐翠濃。極目歸鳥晚。兩岸聞疏鐘。

寓言

東海鯢魚小可憐。偶然鵬化展垂天。搏雲直北扶搖易。六月圖南息影全。此日培風齊九萬。當時溟渤擊三千。蝸居蟹觸尋常事。漫賦逍遙第一篇。

感事

鍊弩金戈出尙方。樓船巨艦耀扶桑。堪爭性命洪濤裏。誰挽神山弱水狂。太息遺形同羸葬。幾時長鬣返餘皇。王師早晚收平壤。直下韓京問密陽。

屯溪

漸山與率水相合此成溪。茶市千橋集。炊煙萬竈齊。橋橫虹飲瀾。樹雜鳥空啼。獨羨棲真者。西峯更在西。

太白樓寄許小厓

訪道曾聞李謫仙。城陽山色尚依然。溪回練帶波光淨。嶂合藤蘿日影懸。世事白雲空百態。洞中丹竈已千年。長沙未必無明主。說與宣平亦自憐。

再游如意寺偕潤生

一昨尋蘭若。空山獨去來。卽今攜勝侶。流水共徘徊。林密堪消暑。溪喧欲引雷。新安好風景。管領詎無才。

聞官軍牙山失利

海外傳聞報捷書。天戈東指震夫餘。誰憐猿臂將軍老。頓作蟲沙戰士墟。河曲焚舟空待濟。淮陰背水竟何如。惟餘七日孤城血。泣向秦庭未肯除。

新安江行絕句

平生愛讀水經注。今日來尋浙水源。卻向濠梁觀活潑。非魚知樂已忘言。

紫陽山下紫陽橋。幾輩尋幽放畫橈。閒過朱家村口望。

朱溪在源溪北。朱公在村中。註四子書。

隔溪山色綠迢迢。

梅灘磐石曲成彎。回望新安第一關。兩岸人家深竹裏。重樓無處不遮山。

舟人言新安江梅灘爲最險。

九里潭邊日落時。家家瓜艇養鷓鴣。驚波亂打深潭影。銜出游魚吐與誰。

西溪垂柳漾波光。東嶺疏松半夕陽。行過水天空闊處。隔林暮靄已蒼蒼。  
 初昏大火正西流。掩映雲屏尺幅收。北斗漸沈東月上。露蛩聲裏不知秋。  
 激水機輪疾似風。年來江海險還同。輸他雲碓扁舟穩。長臥湍流淺瀨中。  
 竹節洪前燒石甌。老人窗下柳陰疏。阿儂不識風波苦。日暮青溪自釣魚。  
 穩臥桐江一葉舟。起看銀漢隔牽牛。不知誰弄涼州笛。吹徹關山入破愁。  
 扁舟已度小金山。流水真如碧玉環。無分錦袍橫玉帶。祇應留得一身閒。  
 昨夜天邊玉露涼。梅花峯畔曉煙蒼。溪山風月千年在。只少浮圖鎮上方。  
 家住楊溪似若耶。生時愛插滿頭花。不知半幅羅裙溼。日暮江頭尙浣紗。  
 蜀首風微夜氣清。嚴城刁斗已三更。少焉缺月銜山出。照見波心一柱明。  
 嚴瀨山光翠接天。釣臺雲樹碧於煙。先生祠宇還依舊。漫薦江干十九泉。  
 西臺一慟已千齡。墓石猶遺許劍亭。誰表唐林諸義士。六陵風雨哭冬青。  
 不盡桐嚴小妹愁。問年十五未梳頭。定知秀氣江山助。才往杭州又睦州。  
 鴨頭江水綠成紋。天外奇峯雜夏雲。未必山中無上藥。是誰真事學桐君。  
 生子當如孫仲謀。富陽山色不勝秋。青山臨水真奇絕。試上春江第一樓。  
 赤松鋪前春草多。渡河埠口綠成波。儂人已作商人婦。郎若輕離可奈何。

自別西泠已十年。六和荒塔冷秋煙。儀徵片石依然在。

塔有阮文達題記。

誰續秦王記勝緣。小峴閩泉均有題名。

自塘棲過平望舟中夜眺

萬綠遶桑田。菱塘生夕煙。蛩聲嘶斷岸。螢火映前川。小艇漁歌出。孤村樹影圓。客懷知夜永。慙負濟時賢。

嘉興舟中

平野綠無際。曉風吹白蘋。遠聞禾水曲。時有弄船人。煙雨樓前柳。鴛鴦湖上春。長條攀不盡。昔夢已如塵。

松江

兩岸蒹葭入望遙。村樺盡日響蕭蕭。生憐三泖湖邊水。不阻松江下上潮。

附錄

擬十索詞

屈蕙纓

麗日影遲遲。柔桑低綠枝。絲蠻語黃鳥。感物增懷思。欲識綢繆意。從郎索繭絲。輕風燕子飛。細雨閒庭暮。感歎復沈吟。含情倚芳樹。獨詠苦無聊。從郎索新句。紅添檻外花。綠長亭前柳。辜負故園春。忽忽三年久。無計遣離憂。從郎索美酒。松風發虛籟。嬌鳥鳴春林。宛轉寫幽意。泠泠傳古音。欲奏高山曲。從郎索綺琴。山翠撲簾櫳。花影橫窗戶。畫意滿胸中。思向毫端吐。展卷復逡巡。從郎索畫譜。消夏水窗前。盈盈露翠鈿。豔歌翻白苧。研露拂松煙。更仿簪花格。從郎索彩箋。

裙曳藕絲輕。衫換宮紗薄。扣扣佩香囊。盈盈握素扇。搵袖意。從郎索金釧。  
風閃碧槳寒。窗揜文紗綠。倚鏡卸殘裝。按譜敲棋局。未忍剔燈花。從郎索銀燭。  
瑤階玉露濃。羅幙蛩聲透。鏡裏惜腰身。楊柳因秋瘦。含意諱相思。從郎索紅豆。  
春風觴詠天。夜月聯吟地。一別隔雲山。何由見君意。試探別來情。從郎索日記。

### 七夕立秋

強扶薄病啟簾櫳。秋信初傳一葉風。獨倚鍼樓望河漢。澹雲和月又朦朧。

### 和外秋夜不寐韻

機上流黃錦。含愁織未成。疏鐘驚曉夢。畫角動邊聲。望遠迷烽火。防秋壯甲兵。遙憐關塞月。冷照亂蛩鳴。  
此同年王子裳太守錄示其繼室天台屈夫人之作也。屈夫人所作翰札詩詞甚富。祕未傳鈔。此特其一鱗片甲耳。國朝夫婦皆工文墨。成名而去者。陽湖孫淵如之配王採薇。長洲王惕甫之配曹墨琴。棲霞郝蘭皋之配王照圓。今得太守伉儷而四。元之管仲姬不能專美於前矣。光緒乙未夏寫本竟敬識數語。





